

DISSERTATIO III.

De Actu Theologiae mysticæ,
seu Contemplatione.

ARTICULUS I.

Quid est quotuplex sit?

I.

EX dictis hic dissert. 1. colligi potest, quid sit contemplatio, nempe est actus mentis seu cognitio altissima, affectuosa, obscura tamen, Dei ut summi & infiniti Boni. Dicitur 1. Actus mentis seu cognitio. Quia non est per se actus voluntatis, sed mentis ac Theologiae mysticæ habitualis, quæ in mente residet. Sequentes tres particulæ jam expositæ sunt diss. 1. art. 1. addidi vero hic majoris expressionis gratiâ Dei ut summi & infiniti Boni, ut significarem objectum primarium, quod est Deus ut in se bonus, & non ut nobis bonus.

2. Nec forte hic doctus Ascetaingerat, in mysticis Doctoribus alias contemplationis definitiones, ab hac prorsus diversas legi: Author enim libri de

D spiritu

74 Diff. III. De Contemplatione.

spiritu & anima, qui alias tributus est S. Augustino cap. 32. definit, quod sit perspicua veritatis jucunda admiratio. S. Bernardus apud divum Thomam 2. 2. q. 180. a. 3. in 3. argumento describit contemplacionem, quod sit admiratio maiestatis. Guido Carthusiensis in Scala paradisi cap. 1. ait: *Contemplatio est mentis in Deum suspensa quadam elevatio, aeterna dulcedinis gaudia degustans, suo modo scilicet & imperfecte.* S. Bonaventura contemplationem dicit *actum intellectus non impediti, gratia sanati, in aeterna spectacula directi, & admiratione suspensi.* Quam definitionem assumit & docte exponit Joannes à IESU Maria in sua Theologia mystica cap. 3. Richardo contemplatio est libera mentis perspicacia in sapientia spectacula cum admiratione suspensa. Demum ut plures alias definitiones prætermittam, S. Thomas citato art. 3. eam definit *intuitum simplicis veritatis.*

3. Responderetur, quod omnes haec definitiones re non differant à nostra, sed pure vocibus. Nam quod istae dicunt explicitè nostra exprimit confusè & implicitè. Non enim negamus, quin contemplatio sit admirans, perspicua, perspicax, elevata, & suo modo clare intuens veritatem.

4. Nec

In 3. itin.
ætern.
diff. 2.

4. Nec obest, si urgeas: quod
juxta nos contemplatio sit cognitio ob-
scura: ergo non perspicua, intuens & clara.

5. Nam, velut alibi jam monui,
nos non dicimus contemplationem ob-
scuram eo sensu, quasi non foret prae-
omnibus viae cognitionibus perspicua &
clara, sed comparatè ad cognitionem
beatam. Itaque contemplatio est per-
spicacissima & lucidissima cognitio, &
tamen est obscura, si conferatur ad cog-
nitionem patria.

6. Sicut verò Theologiam mysti- Dividitur
cam superius diss. I. art. I. divisimus in I. in vul-
vulgarem & verè mysticam seu extra- garem:
ordinariam, sic etiam hic contempla-
tionem in eadem membra distrahimus.
Contemplatio vulgaris est actus fidei &
doni sapientiae vulgaris de Deo summo
Bono; & haec est propria hominibus
etiam imperfectis & in via purgante &
illuminante constitutis. Nam hi etiam
frequenter elicere student actus charita-
tis, qui ex sua natura præviā fidei
cognitionem supponunt. Mystica pro- Et mysti-
priè est actus fidei & doni sapientiae cx- 641
traordinarie & singulariter lucens & fer-
vens de Deo summo Bono. Et haec per
se communiter & stabiliter datur præcisè
hominibus perfectis in virtute consumma-
tis & in via uniente positis ac consti-

76 Diff. III. De Contemplatione.

tutis. Seu vulgaris est notitia altissima quidem de DEO ejusque Divina bonitate, sed nondum experimentalis; at verò contemplatio vere mystica est cognitio experimentalis de summi Boni præsentia supponens gustom voluntatis.

7. Deinde contemplatio à Mysticis in affirmantem & negantem consistit. Affirmans est, dum aliqua nomina Deo in nostra cogitatione tribuimus, eumque sapientissimum, optimum, perfectissimum, potentissimum affirmamus & nominamus. Negans est, dum omnia nomina de Deo negamus & nullum Deo tribuere audemus, quia est elevatus supra omne nomen, supra omnem cogitationem & conceptum. Unde à Mysticis Deus nominatur innominabilis seu *anonymus*, & non habens nomen; quia ejus infinità naturā & perfectione nullum est condignum. Deum quidem nominare possumus sapientissimum, pulcherrimum, altissimum, & hujusmodi; At verò hæc & similia omnia nomina sunt minora & inferiora, quam ut maximam & supremam De naturam & perfectionem condigne exprimant. Nam ecce Deus magnus, ut diciuntur in lib. Job. c. 36. v. 26. *vincens scientiam nostram*. Unde S. Thomas in p. quæst.

2. in affirmantem

Et negantem.

p. quæst. 13. art. 1. Deus potest nominari à nobis ex creaturis; non tamen ita quod nomen significans ipsum, exprimat Divinam essentiam, secundum quod est. Nulla ergo vox datur, quæ infinitam Dei NATURAM, & Deum, ut est re ipsa & in se, exprimere valet. Nam Deus, utidem S. Doctor ibidem ait ad 1. ea ratione dicitur non habere nomen, vel esse supra nominationem; quia essentia est supra id, quod de Deo intelligimus & voce significamus.

8. Anima ergo conspiciens Deum in omni perfectione, gloria, sanctitate infinitum & immensum, & proinde omni profusus menti humanæ & angelicæ a beatæ incomprehensibilem & omnæ species & creatæ mentis capacitatem infinite excedentem, oculum mentis sapienter omnibus phantasmati & speciebus intelligibilibus unitatis, trinitatis, sapientiae, bonitatis, Divinitatis & hujusmodi denudare festinat. Quia ipsa luce clarius intelligit, hæc omnia, quamvis præcessa videantur, Deum tamen non propriè exhibere; ideoque se in Divina caligine & perfecta Dei ignorantia constituit, & Deum ut supernaturalem in fide apprehendit.

9. De hac divisione notandum est ulterius 1. utramque hanc contempla-

78 Diff. III. De Contemplatione.

tionem Deum summum Bonum respicere tanquam objectum, sed diverso modo. Affirmans enim respicit ut *Omninymum*, negans ut *Anonymum*. Illa quascunque perfectiones & dotes reperit in universo, eas tribuit Conditoris, unde quia videret res creatas, pulchras, dulces, amabiles, fortes, gloriofas, splendidas, excellentes, virtuosas, generosas, sapientes, & aliis innumeris qualitatibus ornatas, mox assurgit in Deum earum Authorem, eumque nominat pulcherrimum, dulcissimum, amabilissimum, fortissimum, gloriofissimum, splendidissimum, excellentissimum, virtuosissimum, generosissimum, sapientissimum, & infinitis aliis perfectionibus ornatissimum. At vero Theologia negans veretur Deum talibus nominibus honorare, timens, ne inhonoraret. Quia nempe ex dono scientiae & fide clarissime penetrat, quod Deus suâ infinitâ *Naturâ* omne nomen quantumcunque excelsum, altum, sublime, mysticum, infinitis parasangis exceedat.

10. Notandum est 2dò. Quod contemplatio affirmans ordinariè præcedat negantem, & quod illa est perfectior, hoc etiam ista crescit in perfectione. Ratio est: quia quod perfectius

v. g.

Art. I. Quid & quotuplex sit? 79

v. g. naturam Divinam ejusque eminentiam penetro & capio, hoc asseverans
tius eam ineffabilem & incomprehensibilem
pronunciare valeo. Quod enim prius
non bene cognosco, dicere non valeo;
quod meum intellectum & captum ex-
cedat: ergo affirmatio ordinariè prae-
cedit negationem.

II. Notandum est 3tiò. Quod principium cognitionis negantis sit maximè
fides, Hæc enim dictat, quod Deus
sit Bonum supernaturale, quod unus
in natura & trinus in personis, quod
omne lumen naturale suâ eminentiâ tran-
scendat. Unde, ut hæc perfectissima
contemplatio exerceatur, non est opus
subtili mente, sed viva fide, quæ nos
faciat, Deum ut tale ineffabile Bonum
& Superbonum apprehendere & judi-
care. Ex quo fit, ut hæc cognitio sit
pure asserens, non interens & unum ex
alio deducens; licet fortè discursus ali-
quis ordinariè supponatur, veletiam sœ-
pè consequatur.

ARTICULUS II.

Alia Divisio.

I. UT natura contemplationis, mul-
tum tenebrosa, amplius elu-
cescat, necessum est hic alias divisiones

*Dividitur
in specula-
tricem*

*Et practi-
cam.*

ponere, & respondentes ipsis difficultates mysticas exsolvere. Quare ulte-
rius dividi potest ac debet contempla-
tio in speculatricem & practicam. Il-
la est actus fidei aut doni, quo Deus
ut infinitum Bonum agnoscitur sine or-
dine ad affectum & amorem. Ista est
actus fidei & doni sapientiae, quo Deus
ut infinitum Bonum cognoscitur cum
respectu ad opus & actum charitatis :
sive, quo Deus non tantum judicatur
ut infinitum Bonum amabile, sed etiam
ut infinitum Bonum hic & nunc aman-
dum.

2. Notanda est divisio & maxi-
mè notanda. Multi enim hic se deci-
piunt, arbitrantes, quod in apice con-
templationis existant, cum tamen gra-
dum vix teneant. Perfecta enim con-
templatio non in eo stat, ut quis nos-
sat & judicet Deum esse infinite Bonum
n actu primo & amabilem in seipso,
et in eo, ut quis judicet Deum hic
& nunc propter se amandum, & amor
opere judicium sequatur. Devotæ
quædam animæ videntur exiguum, le-
vem & vulgarem de Deo habere cog-
nitionem, nempe speculatricem, non
vero practicam & actuosam. Quia af-
fectus illarum fervet, & vix obiter in-
specta Dei Bonitate, statim eum iu-
dicant

dicant super omnia diligendum, & ipso opere statim ferventissimè diligunt. Unde non vera sed fucata & nulla est contemplatio, quæ purè quiescit in speculatione, nisi exeat in opus, & voluntatem ad amorem charitatis determinet. Nam juxta omnes Mysticos contemplatio est affectuosa, ignita, accendens & in-
tendens sua luce voluntatem, ut ex I. n. 2. dicitis à principio statim eluet.

3. Ex hac partitione etiam solvitur gravis & magna controversia, quæ inter Theologos mysticos & scholasticos versatur. Nempe utrū amor possit excedere contemplationem, & ille possit magis fervere, quam ista lucere? Mysticī enim videntur hoc dare comuniter, Scholastici ferē negare. Mihi videtur, quod ope hujus divisionis partes litigantes possint opportunè conciliari, distinguendo nempe & dicendo: quod amor possit excedere contemplationem, speculatricem, non vero practicam. Quod videtur experientiā demonstrari. Nam simplices animæ sed devotæ ac puræ Deum in immeum quasi plus diligunt, quam cognoscunt, cognitione speculatrii nempe, non auctem practicā & actuosā. Quia nempe Deus tantum & tam intense amatur, quantum & quam intense amandus hic

82 Diss. III. De Contemplatione.

& nunc judicatur. Contemplatio ergo *practica* & amor semper comensurantur.

4. Nec ingeras: ego judico Deum longè vehementius amandum, quam amo; judico enim amore dignum infinito, utpote Bonum infinitum.

5. Nam respondetur, quod hoc judices modo pure speculatrici, non verò *practicō*; tantum enim amas practicē quantum practicē judicas amandum. Sed, inquis, obscura hæc sunt. Fateor, obscura hæc sunt, sed tamen prætereunda non fuerunt. Quia & doctioribus scribo. Interim ô devota anima, parum refert, num has speculationes intelligas vel nescias, modò bene diligas. In hac enim supercœlesti scientia non plus proficit, qui plus studet, sed qui plus diligit. Qui bene diligit, bene in Theologia mystica proficit, qui melius diligit, melius proficit, & qui optimè diligit, optimè proficit. Si ergo non vales, anima devota, bene capere lectionem de contemplatione, cura ut bene capias lectionem de dilectione. Sic enim manens in tua ignorantia, evades Magistra & Doctrrix in hac divina sapientia.

Dividitur
in sapidam &
insipidam.

6. Altera divisio contemplationis hic explicanda, est in sapidam & insipidam. Hæc est, quam cum gustu Deum ac

ac Divina contemplamur, illa est, quā id ipsum facimus, sed absque gustu. Forte mirabitur hanc distributionem Lecttor in Theologia mystica versatus, ut pote, quam hujus sapientiae periti ferē dissimulant ac prætermittunt; & Doctores mystici ferē tantum sapida contemplationis meminerunt, insipidam autem frequenter omittunt. Certum tamen mihi videtur, quod hæc partitio & bene & utiliter & ferē necessariò ponenda sit. Et cur hoc, ais? idè, quia Deus quibusdam animabus perfectis elargitur contemplationem duram, ac peram, acerbam, contrà verò aliis mollem, planam & amoenam. Quasdam animas Deus ad verticem contemplationis dicit viâ suavitatis & dulcedinis, alias viâ derelictionis & amaritudinis.

7. Nec forte dubium moveas, quod contemplatio sit per se & naturā sua affectuosa; consequenter & sapida. Et superius nos ipsi sœpè affirmamus, quod sit sapida & deliciosa notitia.

8. Nam concedo, quod sit affectuosa semper, nego tamen, quod sit semper sapida. Nulla enim est contemplatio, quæ non est amorosa & voluntatem ad opus charitatis non incitat: at verò salvatur adhuc conceptus & na-

tura ejus , licet non consequatur sapor . Nempe non datur contemplatio sine amore consequente , datur vero sine gadio & delectatione consequente . Deinde aliter quoque responderi potest & concedi , quod contemplatio quantum ad objectum semper sit gaudiosa & sapida : quia contemplator in summis etiam angustiis , gaudet , quod Deus sit , qui est . At vero non est semper sapida quoad subjectum , quia hoc purum gaudium saepè contemplator elicit sine ullo spiritu vel sensu gustu & sapore .

9. Nec instes amplius : contemplatio viæ imitatur contemplationem patriæ ; sed visio beata non tantum est amorosa sed etiam sapida & delitiosa , nec solùm in voluntate excitat amorem , sed etiam gaudium : consequenter idem asserendum erit de contemplatione viæ .

10. Nam respondeo , quod equidem nostra contemplatio imitetur , non tamen sequatur contemplationem beatam . Hoc sæculum non est locus semper gaudendi , sed flendi , sed dolandi . Unde nec Deus vult , ut nostra contemplatio hic semper sit gaudiosa . Quid enim ? an non Christus orans in monte Oliveti perfectissimè contemplatus est ? & tamen ejus contemplatio nequaquam fuit delitiosa , sed plena tædio , mœstiâ

tia & dolore. Non ergo solùm meditatio, nec præcisè oratio vocalis aut devotio, sed ipsa etiam contemplatio hujus viæ potest esse, & aliquando est, sine ullo gustu. Connectitur quidem cum amore & nunquam est sine illo, non verò cum delectatione, & aliquando est sine illa.

11. Interim concedo, eam ferè communiter esse delitiosam, nego tamen, quod semper & constanter. Ut enim in Scala paradisi Guidonis Carthusiensis c. 7. legitur: Paulisper secedit sponsus diu desideratus, citò elapsus. Subtrahit se tam à prædicta visione quam à dulcedine contemplationis: manet tamen præsens quantum ad gubernationem, quantum ad gloriam, quantum ad unionem. Item oportet hic inter contemplationem verè mysticam & ordinariam discernere, illa nunquam datur sine gustu, ista verò tunc, cum aliquis in statu privationis, uti nominant, verlatur.

12. Hæc divisio benè notanda est contemplatori, ne malum ferat iudicium, & hoc ipso nullam contemplationem judicet, quæ gustu caret. Sed quæris, quænam ergo contemplatio est melior & perfectior, quæ gustu caret, an illa, quæ gustu valet? Respondeo, perfectior contemplatio est, ubi per-

fectior amor est. Non ergo ex gustu, sed ex amore sumitur dignitas & nobilitas contemplationis. Sive ergo absit sive adsit gustus, parum refert, modò non absit amor, qui solus dat meritum pretium & præmium contemplationi.

ARTICULUS III.

Aliæ Divisiones.

Dividitur

1. in contemplati-
onem orati-
onis &
actionis.

1. **C**ontemplatio ulteriùs dividi potest cum respectu ad functiones, sub quibus exercetur, in contemplationem orationis, cui vacamus sub oratione & operibus spiritualibus, & attentionis, cui vacamus sub operibus exterioribus, v. g. sub discursu, comedione & hujusmodi. Non enim solum locus est contemplationi in actibus virtutis contemplantis, sed etiam agentis; quia sub omni actione raptim valet exerceri. Hæc duæ contemplationes *intrinsecè*, ut patet, non distinguuntur, sed *extrinsecè* tantum & versus functiones, quas connotant. Illa dicitur etiam oratio quietis & affectionis.

2. in pri-
mariam.

2. Cum respectu ad objectum, contemplatio iterum distrahi potest in primariam & secundariam. Illa est, quæ versatur circa Deum vel perfectiones

nes aut personas divinas. Huc reducitur contemplatio Christi, quia hic pater est Deus, licet in natura humana. Ista est, quae versatur circa alia objecta spiritualia, velut Sanctos, purgatorium, infernum, peccata, virtutes, beatitudinem. Circa quoslibet ergo fidei articulos potest non solum meditatio sed etiam contemplatio institui; & contrarium asserere videtur erroneum dogma Quietistarum, ut ex propositione 5. 10. & 11. infra producendis colligere datur.

3. Sed ait: haec objecta minora sunt, quam ut circa ea versetur contemplatio, quae, utpote altissima cognitione, non occupatur, nisi circa altissima, quod est Deus.

4. Respondeo enim, quod primariò quidem respiciat solum Deum, non autem secundariò. Sicut ergo Beati in lumine gloriae & visionis beatæ primariò Deum aspiciunt, & secundariò creaturas; sic etiam contemplatores in lumine contemplationis & Creatorem & creaturam intelligunt. Verum tamen est, quod aliter homo imperfectus, aliter proiectus & contemplator v. g. infernum considerent: ille ut caveat peccata, ut salubrem timorem sibi incutiat; iste ut discat exinde divinam iustitiam,

Et secundariam.

stitiam, adorer, laudet &c. Omnia ergo, quæ meditantur ascetæ in via purgante & iluminante procedentes, etiam contemplatores attingunt, sed alio fine, nempe cum respectu ad Deum, & ad majorem Dei cognitionem & amorem.

3. Ordinariam & extraordinariam,

5. Cùm respectu ad causam, à qua procedit, rectè secatur contemplatio in ordinariam & generalem, & in extraordinariam & specialem. Quæ partitio ferè coincidit cum illa, quâ contemplationem distraximus in vulgarem & verè mysticam. Illa est, quæ procedit ex habitu fidei & sapientiæ cum gratia ordinaria: ista est, quæ sui causam respicit fidem & sapientiæ donum cum gratia singulari & extraordinaria & tactu mystico. Magna enim est differentia inter has duas contemplationes: nam hæc postrema est altior & ferventior, quam illa prior: hæc non cadit sub meritum vel ullam condignam præparationem, sed datur à Spiritu sancto illis animabus, quibus vult: illa cadit sub meritum & dispositionem, & non negatur animabus puris & sancte viventibus.

4. in bre-

vem,

6. Cum respectu ad tempus alia est contemplatio, quæ durat brevi tempore & per modum aspirationis exercetur;

cetur; alia, quæ durat longo tempore, & quæ ad modum meditationis & orationis instituitur. Animæ squidem elevatae non tantum vacant contemplationi, dum orant, sed etiam, dum alia negotia tractant. Dum edunt, dum corpus reficiunt, dum animum relaxant, subito & raptim ad contemplationem se elevant. Interim gratia contemplationis sub oratione præprimis effulget, si nempe diu & longo tempore, v. g. horâ, Deo infinito Bono per mysticos affectus inhæreremus. Legimus Sanctos, integras dies, integras noctes, in contemplatione traduxisse; utinam nos imperfecti unam saltem hominem plenam!

7. Cum respectu ad præsentiam divinam, ad quam vel maximè respici riorem. debet, alia contemplatio dici potest interior, alia exterior. Illa est, qua Deum in me & in centro animæ præsentem credo & apprehendo: ista est, quæ Deum extra me ubique præsentem cogito & judico.

8. Apud mysticos commendatur præprimis modus cogitandi præsentiam divinam interior: anima contemplatrix in seipsa Deum querit & invenit, ubi eum fidei certitudine novit esse per sentiam, immensitatem, potentiam & om-

omnia sua attributa & relationes, & confidit esse per gratiam, per virtutes Theologicas & morales & dona Spiritus sancti. Anima ergo tali fide illuminata, & tali confidentia roborata cunctas vires suas colligit, ab omni exteriorum objectorum imaginatione & cogitatione abstrahit, easque intra seipsum revocat, & ad Deum ibi praesentem attendere jubet. Quod sit, ut in seipsa experietur dispositionem valde tranquillam, in & sub qua Dei praesentiam notat, & nescio quid coelestis operationis & suavitatis degustat. Hinc omnes suas cogitationes, omnes affectus, omnia interna colloquia, omnes motus ad eum, in intimis penetralibus modo ineffabili & summe amabili & delectabili praesentem, ordinat, eum in omnibus consulit, eum in omnibus respicit, & potius in & cum Deo, quam in mundo & cum hominibus vivit & conversatur.

Et exteriorum.

9. Sed tamen exterior divinæ praesentiæ modus nequaquam contemnendus est, sed à Theologo mystico etiam exercendus. Nam sicut Deus non tantum in nobis est, sed etiam extra nos & ubique; sic etiam non tantum debemus in nobis eum contemplari, sed etiam extra nos in qualibet re creata.

Unde

Unde anima contemplatrix quidquid vider , quidquid audit , quidquid gustat , quidquid sensu vel imaginatione vel etiam mente percipit , unà Deum percipit , & unà Deum attendit , qui omnibus rebus inest per essentiam , immensitatem , potentiam &c. Quò fit , ut bona & beneficia , quæ à creaturis qui buslibet seu mentis & sensu expertibus seu compotibus accipit , ea potius ut à Deo , quam ut à creaturis profecta agnoscat. Hinc ajunt Mystici , quod animæ verè mysticæ videatur nihil esse in mundo , quam Deus & ipsa , quia nempe in omnibus , quæ in hoc mundo sunt , Deum aspicit & intuetur.

10. Quare licet sub exercitio orationis & aliarum functionum spirituum , maxime locum habeat præsentia interior ; sub actionibus tamen indifferentibus & in vita agente videtur etiam locus dandus præsentiae exteriori : cuius ope fieri potest , ut externa agentes interius non dissipemur , sed intimè collecti permaneamus. Quomodo enim abstrahatur homo ille à Deo , qui in omnibus , quoctunque se vertit , Deum querit & invenit , & in ipsis creaturis potius Creatorem quam ipsas attendit ?

11. Sed quomodo , ais , fieri potest ,

test , ut in rebus visibilibus invisibilem Deum cogitemus ? Videtur hoc repugnantiam involvere. Sed non ita est : fides exsuperat omnem sensum : ergo potest in sensibilibus aspicere purum spiritum omnis sensus & corporis expertem , qui est Deus optimus maximus. Non ergo opus habent Mystici multa speculatione aut discursu vel abstractione mentis , vel animi contentione , dum Dei praesentiam cogitare volunt : simplici actu fidei rem totam perficiunt ; nec se urgent , nec sensus vel membra corporis aut cor vel appetitum sensibilem contorquent & violenter impellunt ; sed placida , leni & suavi operatione Deum ubique praesentem certissime & lucidissime , in caligine tamen fidei , apprehendunt , & vera charitate diligunt.

A R T I C U L U S I V.

Varia Nomina Contemplationis.

Appellatur 1. **D**OCTORES mystici varia nomina & appellations tribuunt contemplationi , quæ , quia ad naturam ejus penitus cognoscendam & aestimationem conciliandam faciunt , hic expovere animus est.

2. Di-

2. Dicitur ergo 1. contemplatio *Otium*, *otium*; quia nempe anima, dum vacat contemplationi, vacat ab operibus Marthæ, vacat distractionibus, vacat passionibus, vacat omnibus operationibus mundanis, & unicè ac solum in Deo occupatur. *Vacate & videte*, monet Psaltes ps. 45. v. 11. *Quoniam ego sum Deus*. Id est, cessate prius ab omni opere mundo, & tunc videte in sancta contemplatione, *quoniam ego sum Deus*, qui unus cognoscendus & diligendus est. Deinde contemplatio dicitur *otium*, quia non est laboriosa, velut meditatio, sed placida, lenis, tranquilla & in motu sine commotione. Alias legimus Eccli. 33. v. 29. *multam malitiam docuit otioſtas*; at verò otium contemplationis non malitiam, sed virtutem, sed perfectionem, sed sanitatem docet. Est otium, quod simul est negotium negotiorum, & occupatio suprema, excellentissima, Deo gratissima, nobis utilissima.

3. 2dō dicitur *silentium*. Anima *Silentium*, enim contemplans nihil loquitur, cefant verba, & solus agit spiritus & audit, quid Deus ad cor loquatur. In visu confplexit Aquila Joannes Apoc. 8. v. 1. *Factum fuisse silentium in cœlo quasi mediâ hora*. Tale silentium etiam fit in terra

terra, dum anima se dat contemplationi. Evidem conversatur tunc anima cum DEO, eum alloquitur, sua vota pandit & desideria, amat, osculatur, complectitur &c. sed haec omnia fiunt in silentio, absque strepitu, absque tumultu.

Solitudo.

4. 3tiò dicitur *solitudo*. Contemplator enim solus est cum solo Deo, licet sit in medio mundo; quia in contemplatione ad nihil attendit, praeterquam ad Deum, Bonum suum unicum & supremam felicitatem. Unde dicit cum Propheta Ps. 54. v. 8. *Ecce elongavi fugiens*, id est, longè recessi & fugi, non quidem semper corpore, sed animo & spiritu ē toto mundo, & recessi in solitudinem cum uno Deo locuturus & negotium animæ tractatus. Et in hac solitudine non fui præcisè ad momentum vel ad breve tempus, sed mansi in ea diu longo tempore. De hac solitudine rectè dicitur: *ō beatà solitudo! ō sola beatitudo!* nam efficit verè beatum non quidem plenè sed imperfectè, quantum fert conditio hujus infelicis status. Omnis qui sapit, in hanc solitudinem se confert, ut ibi beatitudinem reperiatur, & potiatur.

Quies.

5. 4tò. Dicitur *quies*. Contemplator enim Deo intellectu & affectu adhæ-

adhæret , aliud nihil desiderans, omnia
alia contemnens & vilipendens. *Vola-*
bo , & requiescam. Ps. 54. v. 7. Anima
enim contemplatrix volat ad DEUM
& pennis contemplationis se feliciter at-
rollit ; sic autem sublata requiescit in
sancto amore & dulci affectione & pos-
sessione summi Boni. Requiritur ergo,
ut ab hac terra avoletur tum mente tum
amore tum recordatione ; quo facto in-
cipit dulcis quies , post laborem volatus.

6. Dicitur *storo* somnus. Sicut enim *sommus*,
in somno quieto quiescunt sensus tum
externi, tum communis, tum corpus, &
vacant à suis operationibus : sic etiam
in somno contemplationis facultates
inferiores obdormicunt , & sola mens
& voluntas viget, vigilat Deo suo in-
tentia & attenta. *Ego dormio , inquit*
sponsa Cant. 5. v. 2. sed non tota, quia
cor meum vigilat. Dormio sensibus ,
sed agit vigilias animus. *Adjurat spon-*
sus in Canicis cap. 2. v. 7. *Filias Jeru-*
salem per capreas cervosque camporum , ne
fuscent , neque evigilare faciant dilectam ,
tam suavi somno potitam. Non enim
debet facile interrumpi contemplatio ,
nisi charitas vel obedientia vel alia pru-
dens ratio id exposcant. O felicem
sommum ! ô amicum ! ô desiderabi-
lem ! ah DEUS per gratiam quam fiat,

96 Diff. III. De Contemplatione.

ut etiam sic in pace dormiam & requiescam! Ps. 4. v. 9.

Nox &
dies,

7. Dicitur 6^{ta}. Nox & dies sub diverso respectu. Nox quidem, quia nempe sub contemplatione occidunt omnes res terrenæ & omnes earum imagines & cogitationes. Dies vero, quia in mente contemplatoris mira lux, Deus nempe Sol justitiae oritur, in cuius aspectu mihi pascitur & recreatur. Alio etiam sensu dicitur Nox, quia nempe nostra contemplatio non in lumine gloriaræ sed caligine fidei peragitur, Deusque non in luce affirmationis sed in nocte negationis consideratur. Unde etiam

Ignoratio, contemplatio nominatur ignoratio seu mysterium ignorantis; quia in contemplatione fatemur, clareque perspicimus nos ignorare Deum, quis, quantus & qualis sit; & hinc etiam non audemus ei secundum nostram inscientiam & vilissimum modum cognoscendi, aliquod nomen imponere vel accommodare. Quid ergo facimus? incomprehensibile Bonum obstupescimus, & gaudemus, quod Deus nostram ignorantiam longissime & infinitè excedat.

Mors,
8. Dicitur 7^{ma}. Mors. Quia contemplator mortuus est mundo, & vivit in solo Deo. Mortui estis, verba sunt Apostoli Col. 3. v. 3. & vita vestra abscon-

scoundita est cum Christo in Deo. Velut Christus vivit & maximè vivit, sed torus in Deo & per Deum; quia omnes actiones ejus sunt divino-humanæ se theantricæ: sic etiam anima perfecta vivit & maximè vivit, sed vitâ spiritûs, vitâ divinâ, vitâ supernaturali, quâ continuò fertur in Deum. At verò mortua est quoad vitam humanam & mundanam, quæ non stat cum vita spirituali & divina. O beata mors, quæ assert vitam animæ, quæ facit ut in Deo vivamus vitam divinam!

9. Dicitur 8vò. Sepulchrum. Nam velut in isto reconditur corpus; sic etiam ^{Sepul-}
in contemplatione divinitatis recondi-
tur anima. Et velut corpus non sur-
git de tumulo nisi virtute divina exci-
teretur; sic etiam anima de tumulo con-
templationis non surgit ad opera vitæ
agentis, nisi excitetur & divinitus vo-
cetur.

10. Demum appellatur terra melle Terra mel-
& lacte fluens ob dulcedinem; extasis, le & lacte
quia facit animam velut exire à seipsa, fluens &
& ad Deum vadere; raptus, quia ra-
pit à terrenis & infimis ad superna &
Cœlestia; Manna, quod continet omnis
saporis suavitatem; missio invisiibilis Fi-
lli & Spiritus sancti, qui à Patre in nos-
tras animas mittuntur, dum contem-
platio-

platione & dilectione eas dignatur. Ut enim ait Christus Joan. 14. v. 21. Qui diligit me, diligitur à Patre meo, & ego diligam eum, & ad eum veniemus & mansionem apud eum faciemus. Tota ergo SS. Trinitas venit ad eum, qui diligit Deum; & consequenter etiam ad contemplatorem; quia contemplatio nunquam est sine dilectione magna. Lux, quia illuminat; ignis, quia inflamat; unio, quia unit Deo per intellectum & affectum; liquefactio, quia facit præ teneritudine amoris ceræ instar colliquefcere; dicitur vulneratio, quia vulnerat amore divino; languor ac deliquium ob eandem causam, quia nempe contemplatrix anima languorem & deliquium pati videtur ob maximam amoris vehementiam; controversio, quia avertit ab omni re crea- ta, & vertit ac convertit ad unum Deum; paradiſus, ob voluptates, quas ministrat; perfectio hominis, quia perficit torum hominem & inducit & auger perfectionem, nempe gratiam & charitatem; dicitur tandem cœlum, inchoata beatitudo & bonum maximum, quia hominem facit quasi Cœlitem, Beatum, & Optimum, & ad plenam ac æternam beatitudinem proximè disponit. Nimis durus est, qui hæc singularia & proorsus excellentissima nomina perpendens,

dens, ad bonum affectum, ad pium motum, & ad sanctum amorem & studium contemplationis non excitatur.

ARTICULUS V.

De causa contemplationis, præprimis tactu mystico.

1. Causa efficiens contemplationis nequit esse intellectus humanus ex Causa efficiens propriis & nudè consideratus. Oppositi sententia est hæretica. Nam mens humana potest quidem ex se & suis vi-ribus res naturales considerare, non vero supernaturales: potest elicere cognitionem Dei ut Authoris naturæ, non vero ut Authoris gratiæ & gloriæ & ut Boni infiniti supernaturalis. Ut ergo homo complectetur, necesse habet, ut per gratiam & dona supernaturalia elevetur, potensque reddatur ad actum hunc præcellentissimum eliciendum ac efficiendum.

2. Humanus tamen intellectus non est purum instrumentum in ordine ad contemplationem, sed concurrens est intellectus, ut causa remota ad eandem. Ita tenet sententia divi Thomæ, quam hic non vacat multis demonstrare, sed suppono.

Art. V. De
s. & omnia
intelligencibus.
4. Responde
tia perfun
tu habeat suo
am contempla
tio & expeditio
nem; ut maxime ven
tum a Tel. I
m mystice,
ibi objectit f
am à perfic
re omnia qu
i sapientia
e vocantur
perceptio
nem & intelli
genciam
in contemplatione
vulgariter & contemplatione vulgari De
um speculari possimus, donum vero
sapientiae singulariter lucens, ut con
templatione vere mystica. Si enim cum
habitu fidei concurrat donum sapien
tiae, tunc exurgit vera & solida con
templatio.

3. Sed forte dubium movebit doc
trinus lector, dicens : habitibus & fidei &
doni sapientiae omnis justus praeditus
est : ergo omnis justus habebit prox
imam virtutem eliciendi actum, omnium
perfectissimum ex actibus viæ, nem
pe contemplationem. Quod planè vi
detur absurdum & prorsus alienum à
doctrina Mysticorum, qui animabus
duntaxat perfectissimis virtutem prox
imam Deum ac Divina vere ac mysticè
contemplandi attribuunt. Singularis
est prorsus margarita donum contem
plationis, quæ non obtingit, nisi ani
mabus devotis, sollicite eam quæren
tibus,

pono. Quid ergo, inquis, concurrit,
ut causa efficiens proxima? Respondeo:
Proxima, habitus fidei & donum sapientiae. Ra
b^habitus fidei & sa
pientiae, causa proxima, per quam redditur in
tellectus proximè sufficiens & expedi
tus, ut valeat elicere contemplatio
nem; sed hoc sit per prædictos habitus.
Nam fides nudè sumpta præstat, ut
vulgariter & contemplatione vulgari De
um speculari possimus, donum vero
sapientiae singulariter lucens, ut con
templatione vere mystica. Si enim cum
habitu fidei concurrat donum sapien
tiae, tunc exurgit vera & solida con
templatio.

tibus, & omnia pro ipsa vendentibus
ac relinquenteribus.

4. Respondeo ad hoc dubium ē
scholis petitum, quod omnis quidem
justus habeat suo modo virtutem pra-
ximam contemplationis, sed non pro-
ximè expeditam, sed multipliciter, pec-
catis maximè venialibus, impeditam.
Audiamus hic Theologum mysticum,
Joannem à IESu Maria cap. 3. Theo-
logiæ mysticæ, qui idem argumen-
tum sibi objecit & taliter resolvit. For-
tassis una ē potissimum hujus rei (quod
nempe omnes quidem justi habitibus &
fidei & sapientiæ prædicti sint, rari ta-
men evadant contemplatores) causis
est ea, quam cœpimus insinuare. Scili-
cer non serio vitare leviores culpas & peren-
nem cordis alere puritatem. Si enim haec
exquireretur, in cordibus puris facile Di-
vina cerneretur imago. Et superius: quod
non ita enunciamus, ac si, qui dono con-
templationis frequenter ditantur, veniales
culpas nunquam incurvant. Incurrunt enim
sed rarius quam alii, & non adeò sponte.
Quin etiam studiosissimè illarum occasionses
præcavent. Et cum ex fragilitate delinquant
se quantocum expurgant: ut in cordis se-
renitate Deum repræsentent, ejusque divi-
nas similitudines, velut in aqua purissima
lucentes inueni mereantur. Et in hunc mo-

dum, qui contemplationem affectat, cul-
pas vitare ac præcavere debet.

*Et maxi-
mè Deus
pertac-
tum my-
sticum:*

5. Respondeo & dico ulterius, quod contemplationis causa effectrix præcipua sit Deus per tactum mysticum. Hic tactus mysticus est celebratissimus in Theologia mystica, & rectè dicitur ac est principium hujus cœlestis sapientiæ. Ne autem confusio in vocibus pariat confusionem in rebus, notandum est, alium esse tactum mysticum activum & ex parte Dei, vi cuius Deus animam & apicem mentis & maximè voluntatem tangit & sibi efficienter conjungit, alium esse tactum mysticum passivum, & formalem, vi cuius mens & voluntas à Deo mota & tacta Deo & Divinæ bonitati arctissimè & intimè copulatur. De illo tactu modò disputatur, ex cuius notitia pender cognitio istius. Quare hoc præsupposito & benè intellecto, facilius alia, quæ hic occurrunt, etiam difficillima & abstrusissima, penetrantur. Miris encomiis hunc tactum extollunt Mystici, miris exponunt verbis, & talibus, quæ Theologiæ mysticæ rudes potius obstupescunt, quam intelligunt. Quare omis-
sis ferè illis methaphoricis locutionibus & celsissimis vocibus, quas Mystici adhibent, de tactu secundum solida Theo-
logiæ

logiae scholasticæ principia taliter dis-
curro, & dico, quod tactus mysticus Qui defi-
nihil aliud sit, quam gratia actualis extra-
nitur v
ordinaria, quæ Deus mentem contempla-
toris afficit & tangit, & ad eliciendam ex-
traordinariam Dei summi Boni cognitionem
illustrat.

6. Expono scholasticam hanc tac-
tus mystici descriptionem. Dicitur 1. Et solidè
quod fit gratia actualis, & consequen- exponi-
ter juxta scholam divi Thomæ forma tur.
transiens & transeunter impressa, non
permanens, qualis est gratia sanctifi-
cans, quæ nullatenus est tactus mysti-
cus, sed ei supponitur ac prærequiri-
tur. Dicitur 2dō. extraordinaria. Quia
nempe ad opus extraordinarium, qua-
le est omnis contemplatio verè mystica,
non satis est generalis aliqua vulgaris
& ordinaria gratia, sed requiritur spe-
cialis, singularis & extraordinaria. Un-
de hic tactus mysticus non cadit sub me-
ritum; nullum enim opus est tam cel-
sum, tam sublime, cui tanquam mer-
ces aut præmium debeatur, vel in Scrip-
turus promittatur. Et forte nec vale-
mus ad eundem nos condignè præpara-
re, licet possimus congruam aliquam dis-
positionem puritate & sanctitate vitæ
ponere & oratione impetrare. Dicitur
3. Quia Deus &c. ut nempe denotetur

causa effectrix hujus mystici tactus, nempe Deus, qui eum nobis infundit sine nobis & nostra cooperatione; quia prævenit ac præcedit nostram operationem, eamque ut causa efficit ac infert. Contemplatio enim sequitur ex tactu mystico & ab ea procedit tanquam effectus à causa. Dicitur 4to mentem, ut indicetur subjectum proximum, in quo tactus primariò recipitur, nempe intellectus. Hic enim per se primò illustratur, & ad extraordinariam Deitatis notiam elevatur. Per cæteras voces tum differentia tactus mystici ab aliis gratiis actualibus, tum finis, tum effectus significantur. Solus enim tactus mysticus est talis gratia, ut ex illo vera & solida contemplatio, & extraordinaria primæ veritatis & Bonitatis notitia procedat.

7. Nec te conturbent hic extraordinariæ mysticorum expressiones & mira vocabula, dum contendunt, quòd tactus mysticus recipiatur *in fundo & centro animæ, in summitate spiritus, in apice & vertice mentis*, & consequenter non in ipsa mente & intellectu. Nam istis modis loquendi nihil aliud volunt exprimere, quam ipsam mentem, non ut operatur modo vulgari, sed ut se extendit ad operationem summam, nempe contemplationem.

plationem, quæ est apex & vertex omnium cognitionum.

8. Nec ulterius instes, quod tactus mysticus non solum lucem intellectui comunicet, sed etiam in voluntate ignem amoris accendat, & quandoque omnes vires sensibiles tum internas tum externas ad Deum elevet ac mirabiliter rapiat. Consequenter videtur dicendum, quod tactus iste non solum in mente, sed etiam in voluntate, & forte aliis etiam viribus recipi debeat.

9. Respondeatur ad hanc instantiam, quod tactus mysticus primariò afficiat mentem, secundariò autem etiam in alias potentias & maximè in voluntatem se diffundat. Exemplum habemus in ipsa contemplatione, quæ licet per se actus sit pure mentis, tamen non intra mentem se ita continet, quin suam virtutem & efficaciam in alias quoque vires & maximè in voluntatem diffundat. Tactus ergo hic mysticus ex sua natura est fortis, vehemens, efficax, & si non omnes vires hominis afficit, ad minus intellectum clarissimè illuminat & voluntatem potenter inflammat. Nec tamen voluntarium aut libertatem affert voluntati, sed potius auger; quia præstat, ut homo totis animis & omnibus potentiis, solitus ab omni mun-

166 Diff III. De Contemplatione.

dana cogitatione & affectione , liberiū erga Deum suum infinitum & unicū Bonum feratur.

10. Major itaque felicitas in praesenti vita homini non valet obtingere , quām si eum optimus Deus tactu hoc mystico dignetur. Ubi enim hic est , ibi mens lucet , Divinitatis arcana penetrat , recondita fidei mysteria perspicit , clara fere apparent , quæ prius obscura , tenebrosa videbantur. Ubi hic est , ibi voluntas ardet amore divino , non vulgari & communi , sed eminentiori & extraordinario. Ubi hic est , anima velut in paradiſo collocatur , & æternæ beatitudinis gaudia prægustat. Verbo , ubi hic est , datur Theologia mystica non tantum in habitu & actu primo , sed in opere & actu secundo ; datur vera mystica contemplatio cum omnibus suis bonis , quæ secum affert. Nam si datur causa in actu secundo influens , non potest non dari effectus , qui ipsum certissimè consequitur , & cum ea infallibiliter connegetur ; at verò sic se habent tactus mysticus & contemplatio verè mystica : consequenter illo dato & hæc datur. Quo verò sublimior , intensior , illuminator , ardenter est tactus mysticus ; hæc etiam sublimior , in-

tenu-

tensor, illuminator & ardentior exur-
git contemplatio. Quare ô Deus,
tange me, ah tange mentem meam hac
gratiâ tuâ extraordinariâ! mereri hanc
non possum, disponere ad hanc condig-
nè me non possum, orare tamen & spera-
re possum. Juravi verò & statui non de-
sinere ab orando & sperando, donec
ardentissimis votis meis benignè annua-
tur.

ARTICULUS VI.

Paradigma Contemplationis.

1. NEquit condignè exprimi modus
procedendi, qui servatur in con-
templatione; quia omnem superat ca-
lamum, omnem linguam, omnem cap-
tum. Nihilominus conabor utcunque
describere & velut adumbrare. Ani-
ma ergo devota & sancta, præviè eli-
cit contritionem de omnibus peccatis
unquam commissis; quia Dei bonitas
nullum patitur medium, ne unam qui-
dem vanam seu inutilem cogitationem,
aut verbum otiosum, vel aliud levissi-
mum peccatum, quod non poenitentiâ
deleatur. Subinde gratia contem-
plandi flagitatur & certò speratur,
genua ad orandum flectuntur. Postea
convertit se anima ad Deum (quem

108 Diff. III. De Contemplatione.

credit in essentia animæ & apice mentis cum Patre, Filio, & Spiritu sancto & omnibus attributis & perfectionibus intimè præsentem ac velut in throno residentem) & hoc vel simili modo viæ fidei actum exercet.

clus fidei 2. Credo, quod tu maximus & optimus Deus, unus in natura, trinus in personis, immensus, aternus, omnipotens, immutabilis, sanctus, verbo, ineffabile & infinitum Bonum, præsens in summitate spiritus, in meipso, in anima mea essentia consistas, pronus & promptus tecum familiariter agere, conversari, me tibi unire & adstringere &c. quare confidens de tua gratia. Ecce ego vermis & non homo, venio ad te, o majestas infinita, o circumscripta bonitas, o Ens entium & abyssus omnis perfectionis, ut te laudem, adorem, amem, te amplectar, tibique amoris vinculo conjungar.

3. Si anima modo prædicto divinam præsentiam apprehendit, mox in affectus consurgit, & mysticè exardescit. Considerans enim quis Deus? & quæ ipsa? se profundissimè humiliat, & Deum ferventissimè amat. Unde tallem vel similem charitatis actum elicet, & ad Deum intimè præsentem dirigit. Ubi tamen observo, quod actus charitatis nequaquam desinat vel deprimatur,

matur, si ad Christum seu Deum-Ho-
minem ordinetur; quia ad continuam
puræ divinitatis contemplationem nul-
lus debet se elevare, nisi debitè invi-
tatus.

4. O Deus infinita majestatis, om̄is Actus cha-
nes gentes quasi non sint, sic sunt coram te. ritatis.
Quis ego? quis tu? ego nihil, tu omnia;
ego sum dignus omni contemptu, vilipen-
sione, odio, Tu dignus es & infinitè dignus
omni honore, estimatione & amore; ego
sum malus, in malum pronus, Tu bonus
& ô! quantum bonus! Bonus es ineffabili-
ter, infinitè. Capere non possum, credere
possum, & credo, Te esse Bonum immen-
sum, incomprehensibile, supernaturale. O
ENS! O BONUM! ô Bonum admirabile!
hæreo absconditus, obrigesco, dum
tuæ Natura eminentiam contempler. O A-
nonymus Deus, Christus JESUS, condignum
nomen tibi dare non possum, ô incompre-
hensibilis DEUS, condigno conceptu te ex-
primere non valeo: Tu enim infinitè altior
es omni nomine, omni cogitatione, quod
ex tuo lumine in obscuro fidei lumine ni-
mis evidenter cognosco, Et heu tantum &
tam immensum Bonum non amavi! sed
nunc amo ex toto corde, ex tota anima,
ex tota virtute, ex omnibus viribus meis.
Amo te, Deus, mihique complaceo, quod
sis Bonum infinitum modo incomprehensi-

110 Diss. III. De Contemplatione.

li unum in natura , & in personis trinum,
anonymum , ineffabile , supernaturale. Amo
te & iterum amo & millies ac millies amo
te amore estimationis , affectionis & ef-
fectionis.

5. Sic absoluta est contemplatio,
sed ais, brevis est. Omnino : verbis
est brevis , sed grandis affectu, qui ver-
bis cohiberi nequit. Aliter enim lon-
gè agit Deus in anima verè mystica ,
quām voces sonant. Non sunt voces
tam excelsæ , tam eminentes , quæ cel-
stitudinem ac eminentiam veræ contem-
plationis sufficienter & condigne expo-
nant. Interim verum est , quod contem-
platio etiam affectu brevis sit: non enim
multi conglomerantur affectus , sed to-
ta duobus perficitur & compleetur: nem-
pe fide & charitate , seu cognitione &
dilectione.

6. Ex quo colligitur imò. Quod
Oratio af-
fectus
constat
oratio affectus seu quietis per se duobus
rantum punctis constet , nempe actu
fidei de summo Bono intimè præsente
& actu charitatis. Non enim in con-
templatione , quatenus tali , formatur
discursus , nec motiva ad concitandum
affectum investigantur , nec sit aliqua
reflexio aut examen , quomodo in ope-
ribus fidei & charitatis nos gesserimus ,
aut modo geramus , aut deinceps gere-

re debeamus, sed purè actibus fidei & charitatis directè eliciendis omne tempus orationum deputati insumimus. Nam prædicta omnia pertinent ad meditationem, non ad contemplationem,

7. Colligitur z dò. quòd contem- *Actu fidei*
platio non sit tam difficultis captu & ex- *chari-*
plicatu, velut aliqui sibi imaginantur. *tatis.*
Quis enim in ascesi, quis in Catholica Religione tam rudis est, ut nesciat, quid sit actus fidei & charitatis? At vero oratio affectus & contemplationis aliud nihil est, ut hic exposui. Nam licet actus aliarum, imò omnium virtutum interveniant sub contemplatione; isti tamen duo solum expressè attenduntur & eliciuntur, reliqui procedunt à charitate ut imperante. Errant proinde qui, nescio, quid exoticum, quid obscurum, quid absurdum sub nomine contemplationis sibi fingunt. Dico ac iterum repero, aliud nihil est, quam actus fidei & charitatis.

8. Sed dices: omnes Mystici ut magnum quid & altum & reconditum habent contemplationem, quæ scilicet non cadit sub intellectum cuiuslibet hominis imperfecti, sed perfecti & verè illuminati.

9. Respondeo: sic est omnino, res est altissima, recondita, & verè mystica,

stica, contemplatio & oratio affectus; sed nunquid actus fidei illustratus dono sapientiae, & actus charitatis extraordinariè fervens non sunt res sublimissimae? fallitur, qui aliquid eminentius fingit, quam sint hi duo actus. Ex quo

extraordi-
nario,

Supponens

10. Colligitur 3tò. Quod contemplatio orationis non sit qualiscunque actus fidei, sed extraordinarius, singulariter eminentis, procedens ex illustratione doni sapientiae; item non est actus charitatis quicunque, sed vehementis, ebulliens, & ex singulari fidei lumine progrediens. Et, quod maxime notandum & observandum est, uterque hic actus supponit tactum mysticum explicatum, à quo tanquam causa dependet, & præcipue nominatur. Nisi enim hic detur, contemplatio erit purè vulgaris, nec est, nec appellari debet vere mystica.

11. Colligitur 4tò. quod non à nobis & nostra industria vel arbitrio dependeat facere orationem verè mysticam, sed hoc pertineat ad solum Deum, cuius est tactum mysticum tribuere vel renuere, sicut etiam aliquando tribuit, aliquando renuit.

12. Colligitur 5. quod homo, qui in virtute magnos jam progressus fecit, pos-

possit pro suo arbitrio & voluntate (supposicā ordinariā Dei gratiā) contemplationem vulgarem & orationem affectuosa instituere. Ratio est: quia homo prædictus habitu fidei & charitatis, si gratiā actuali preveniatur, habet potentiam expeditam ad actus fidei & charitatis; sed in hujusmodi actibus consistit vulgaris contemplatio & oratio communiter affectuosa, ut ostendimus.

13. Valemus ergo, modò velimus, contemplari. Non deest gratia ad ordinariam contemplationem, sed nos desumus gratiæ nostrâ negligentia. Multæ profectò animæ devoutæ satius facerent, si multos discursus sub meditatione prætermitterent, & contemplationi & orationi purè affectuosæ se dederent. Aliquando multis annis labrant, & plurimos libros meditando absolvunt; & ramen fide non admodum vigint, nec spe roborantur, nec multum amore fervent. Et cur hoc? quia scilicet omittunt omissâ multâ meditatione se dare soli affectioni. De vitiis, de virtutibus, de Christi vita & passione, & aliis fidei mysteriis tum assidue lectione, tum frequenti auditio ne Verbi divini, tum quotidiana ferè meditatione, plurimam jam possident notitiam, & nihil eis deest, nisi affectio.

114 *Diss. III. De Contemplatione.*

tio. Ut quid ergo indagant ulterius veritatem, & non potius le dant totos affectibus prætermissa superflua & inutili pervestigatione? Intellectus jam bene formatus est, sed voluntas languens ergo hæc excitanda, incitanda, inflammada. Næ tales sibi nocent ipsis, quia purè contemplando & affectibus insistendo maximè proficerent, qui stanno in meditatione vix aliquid proficiunt.

14. Longè ergo utilior & sine comparatione efficacior & fructuosior est contemplatio & oratio affectionis, quam meditatio. Paucis septimanis in ea plus efficitur, quam pluribus annis in ista. Quod docent communiter Magistri humani Theologiae & Alcefeos & SS. Patres. E quibus S. Bonaventura lib. de Theologia mystica cap. ult. ait: *Si quis per viam purgativam bñd præparatus sapientissimè hoc dictum corde frequentaret. O Domine, quando te diligam? quando te constringam? citius se sciret experimentaliter inflammari, quam si de secretissimis Cœlestibus, & æterna generatione vel processione nullies cogitaret.* Non enim speculatio & nuda cogitatio sed operatio & affectio purgat à vitiis, ornat virtutibus, passiones temperat, pacem conciliat, charitatem incendit, meritum auget, & perfectionem inducit. AR-

ARTICULUS VII.

Ulterius declaratur processus contemplationis.

1. **Q**uia in processu contemplationis ferè pendet omnis difficultas Theologiae mysticæ & orationis affectionis, operæ pretium est, ut hic amplius declaretur. Non enim satis est obiter ista attingere & considerare, sed debent penitus intelligi ac perspici, ut possimus ad contemplationem incumbere.

Quare ulterius sciendum & notandum est imò. quod præparatio remota ad contemplationem sit vita sancta à virtutis purgata, virtutibus ornata, ut ex prædicatis constat. Proxima est contritio, humilitas, & petitio gratiæ, ut similiter ex art. præcedenti liquet.

^{1. Præparatio remota}

^{Et proxima.}

2. Sciendum est 2dò. quòd in contemplatione debeat proponi & credi Dei ut Bonum supernaturale, ut Bonum supernum anonymum, ut Bonum infinitum, summè admirabile, ut solo lumen fidei non autem rationis naturalis, intelligibile. Item quidquid de Deo concipitur & prædicatur, non debet simpliciter & absolute concipi & prædicari, sed semper modo altissimo, incom-

^{pre-}

116 Diff. III. De Contemplatione.

prehensibili. Unde in contemplatione non intelligi debet ut bonus, fortis, immortalis, sapiens, pulcher &c. sed ut superbonus, supersfortis, superimmortalis, supersapiens, superpulcher, & sic deinceps. Nam sic fiet, ut nostra de Deo cognitio sit supernaturalis, negans & vere mystica.

Nobis præsentissimi, 3. Sed Bonum supernatural & anonymum debet credi in contemplatione, maximè orationis, ut in anima nostra intimum & præsentissimum. Ni si enim viva fide Dei in nobis præsencia apprehendatur, non erit tanta communicatio, amicitia, unio, inhæsio, familiaritas &c. animæ ad Deum, & consequenter languebit amor & affectio.

Et incorporei. 4. Credimus autem sub contemplatione Deum præsentem non modò corporeo, sed incorporeo, ut purum spiritum ab omni materia remotum. Quantum enim fieri potest imagines & species sensibiles hic debent removeri, & non dari locus imaginationi nec etiam tationi naturali, sed unicè fidei. Monet hic etiam sapienter Blosius in asceticis institutionibus cap. 12. n. 2. contemplatorem, ut introvertat se simpliciter, oculum intellectus diligenter & placide exercens, nempe per actum fidei dono sapientiae illustratum, quæ debet proximè

ximè influere, & divinam præsentiam animæ contemplanti exhibere ac proponere. Illa etiam vox placidè notetur. Nam hic actus fidei non debet esse impetuosus & violentus, sed placidè ac leniter sine virium sensibilium aut corporis incitatione aut contentionē.

5. Ex præsentia Dei sic credita qua- 3. *Humilitas.*
si naturale est, sequi humilitatem. Co-
gitans enim anima, quis sit ille, qui
sibi præsens est, & quid ipsa, cui præ-
sens est, non potest non se in abyssum
sui nihili, suæ vilitatis, impuritatis,
turpitudinis &c. demergere. Quis sum
ego, exclamat, ut Deus veniat ad me?
ut in me maneat? ut suam amicitiam &
familiaritatem mihi offerat? ut se mihi strin-
gendam præbeat? ab recede à me Domi-
ne, quia homo peccator sum. Tu summa
puritas & sanctitas, ego immunditia &
peccatum; tu omnia, ego nihil, tu Deus,
ego vermis, pulvis &c.!

6. Ex humilitate sequitur vel po- 4. *Admirationis ratio.*
tiùs in ea jam clauditur admiratio. Quid
enim admirabilius cogitari aut fingi po-
test, quam quod maximus & nobilissi-
mus Deus veniat ad infimam & vilissi-
mam creaturam, Deusque pater verè
mittat Filium & uterque Spiritum san-
ctum in animam, ut ibi omnes tres
Personæ maneant, habitent, ei blan-
dian-

118 Diff. III. De Contemplatione.

diantur , uniantur , & spirituale matrimonium celebrent ? Nam Deus *charitas* est , & qui manet in *charitate* , in Deo manet , & Deus in eo . 1. Joan. 4. v. 16. Qui hic non hæret attonitus , non considerat , quid sit Deus ? quid sit homo ? quid sit Deum cum homine familiariter loqui & amicitiam inire .

5. Actus
amoris

7. Sed quid ? nunquid erit anima humana tam inhumana , cruda & agrestis , ut Dei alloquium recuset , ejus familiaritatem & amicitiam respuat , eum ut sponsum nolit ac repudiet ? absit . Maximæ & velut infinitæ gratiæ (sicut revera est) sibi dicit , quod maximus & infinitus Deus se turpissimam sponsam osculari , amplecti & alios favores & amores , qui in Canticis describuntur , exhibere velit . Quid ergo facit anima in hoc statu posita ? Quod sponsa terrena sposo præsentanda & sponsanda . Hæc enim curat , ut pulchra sit , & nulla in ea macula apparet ; capillos , oculos , frontem , verba , & omnes actus ac gestus corporis taliter disponit , ut placeat ; ornat se pretiosissimis vestibus ; verbo , nihil prætermittit , quod ipsi facere videtur , ut amœnior & gratior sponso evadat .

8. Idipsum ergo agit anima sponsanda Deo . Nihil non facit , & omnia

nia facit, ut Deo placeat. Omnia facit propter Deum, & nihil propter se. Et hinc in actus ferventissimos & pustissimos charitatis cum elicitos tum imperatos ebullit. Amo te Deus, inquit, ^{Eliciti} amore benevolentia; quia complaceo mihi & gaudeo, quod tu sis immensum & transcendens Bonum. Amo amore amicitia non propter meum commodum, sed unicè propter te. Amo amore estimationis & appretiationis, quia te super omnia estimo, & pra te omnia contemno. Amo te amore gratulationis, laudis, admirationis, desiderii, gaudii &c. quia tuam infinitam beatitudinem tibi gratulor, laudo, admiror &c. Et impetrans sum effectu meum amorem demonstrare. Nam deinceps nihil cogitabo, nihil amabo, nihil memorabo, nihil imaginarior, nihil affectabo &c. nisi te & propter te. Studebo manere tibi unita tota die, & sub omni actione te compieendi sancta contemplatione & dilectione. Curabo, ut vivam & converser tecum, etiam cum vivo in mundo & versor inter homines. Oblivioni detur dextera mea & lingua adhaereat saucibus meis, si non meminero tui sapientie & frequenter sub meis functionibus. Quomodo enim oblitiscar tui, qui mei nunquam oblidisceris, & non tantum lateris continuus adhaeres, sed etiam in anima mea

120 Diff. III. De Contemplatione;

intus resedes, me dirigis, moves, provides, illustras, inspiras, blandiris, diligis, amplecteris & omnia familiaritatis & amicitiae officia prabes?

6. Affectus
amoris.

9. Dum verò anima contemplatrix his amoris affectibus incumbit, oritur in ea gaudium quoddam purum in Spiritu sancto, & pax, quæ omnem sensum superat. Item unit se Dilecto, adhæret, inhæret, præ amore vulneratur, læditur, languescit, instar cœræ liqueficit, inebriatur, jubilat, lachrymatur præ dulcedine, clamat præ gaudio, consumitur præ nimio ferve re charitatis. O qualis & quanta felicitas sic Deum contemplati & in ejus bonitate inebriari!

7. Actus
spei.

10. Actibus tum fidei tum charitatis immiscentur tum alii actus virtutum, tum & maximè actus spei, quā sit, ut confidamus nos esse in gratia, nos elicere veros actus supernaturales, & ut actus functiones & effectus, quos percipimus, adscribamus divinæ gratiæ & illuminationi. Nam licet nullum gustum sentiamus, nec ullam satisfactiō nem in actibus eliciendis sub contemplatione; nihilominus supponere & sperare debemus, quod ex divina gratia veram contemplationem saltem vulgarem instituamus. Abesse ergo debet omnis

omnis diffidentia , omnis pusillanimitas , omnis timor , & directè saltem supponere & sperare , quòd nostra de præsentia divina fides , nosterque amor sit Deo gratus , supernaturalis , veréque nos infinito Bono conjugat.

ARTICULUS VIII.

Breves affectus mystici.

1. **Q**ui orationem quietis seu contemplationem puræ affectionis incipiunt , sentiunt difficultatem in elicendis & maximè continuandis affectibus puri amoris. Nam ipsis arduum videtur in uno actu charitatis ad horam & ulcerius persistere , sed usu & consuetudine tollitur difficultas. Cœterum nolui , ut contemplator se ad aliquos affectus vel aliquod exercitium alligeret contra instinctum Spiritus sancti , cui in omnibus præ omnibus regulis ac documentis parendum est. Amet modò , parum interest , quomodo aut quibus mediis ad amorem perveniat & confurgat. Incipientes aliqui contemplatores tempore orationis alio libro non utuntur , quam divinâ Scripturâ ; alii meditationes , soliloquia , manuale , qui libri vulgo tribuuntur S. Augustino , in con-

F tem-

templatione adhibent; alii orationes S. Anselmi, vel considerationes S. Bernardi, vel contemplationes de amore sapientissimi Idiotæ, pro quotidiano usu assumunt, & ex iis suum affectum instaurant; alii, maximè doctiores, ex seipfis & verbis, à se per divinam gratiam conceptis, Deum amant, prædicant, laudant. Quidquid ex Deo fit, bene fit, qui ad eundem finem diversis viis perducit. Ego hīc breves pono affectus charitatis; ut verò evadant mystici, debent à contemplatore ad Deum intimè præsentem dirigi, Deūsque ut super-bonus & anonymus fide proponi. Equidem Deus Cœlum & terram implet sua immensitate, & ubique præsentissimus est; sed tamen in fundo seu essentia animæ & in mente & voluntate hominis singulariter, velut in templo, per gloriam sanctificantem, virtutes Theologicas & morales, & dona Spiritus S. præparato & condignè exornato, habitationem constituit, faciem ostendit, familiaritatem indulget, ad osculum & amplexum invitat.

2. Observandum est ergo, quod nec isti nec præcedentis articuli affectus sunt verè mystici, imò nec vulgariter, quia illud debet dare gratia Dei extraordinaria, istud gratia Dei ordinaria.

Qua-

Quare ut cum merito & utilitate hi affectus legantur & eliciantur, divina gratia concurrere debet, quæ & ferventissimè semper imploranda est.

3. Ubi tamen noto rursum diffidentiam, quæ solet vexare contemplatores, dum ingerit diabolus, contemplationem & affectionem esse vel purè naturalem, vel tepidam ob defectum sensibilis devotionis vel alias non genuinam. Hæc diffidentia pestis est contemplationis, displicet Deo & noxia est coelestibus illuminationibus. Qui proinde conatur Deum ut ineffabile Bonum credere & diligere, confidenter supponere debet, quod vulgarem contemplationem, Deo gratam, sibi utillem & verè supernaturalem exerceat. Quid enim? an non gratia in nova lege redundat? quid ergo causamur vel querimur parcitatem? aut fortè nequit affectus esse supernaturalis, si desit gustus vel omnino sensus? absit hoc; nam omnis contemplatio perficitur in mente, & secum trahit amorem in voluntate, non verò gustum seu gaudium, minus in appetitu inferiori & corpore sensum, qui est prorsus extra proprietatem, & effectus per se, contemplationis.

4. Tu Deus bonus es, & infini-

tè bonus, complaceo mihi in tua summa & plenissima bonitate: gaudeo de infinitis perfectionibus tuis: gratulor tibi divinitatem tuam, mirisque exulto modis, quòd nullius indigus, unus tibi sufficias, nec à creaturis felicitatem emendicare necessum habeas, ut pote te solo beatus, dives, felix, bonus, sapiens, potens, verbò Deus.

5. Amare est benè velle, & quia, Deus meus, amo te, volo & gratulor tibi, quòd sis Spiritus infinitus, immensus, sempiternus, elevatus super omnem perfectionem, excellentiam & magnitudinem à mente creata conceputibilem, elevatus super omnem substantiam, supra omnem potentiam, omnem sapientiam, omnem intellectum, omnem lucem, omnem pulchritudinem, omnem justitiam, omnem sanitatem, omnem gloriam, omnem beatitudinem, omnem bonitatem &c.; ita ut propriè nihil horum sis, sed infinite altior, sublimior, eminentior, &c.

6. Ad inflammandum amorem meum non opus est in cogitationes adducere, quòd creaveris me, quòd à peccato, à morte æterna vindicaveris me, quòd cœlum mihi condideris, & beatam vitam paraveris, & alia immu-

mera

mera beneficia in me congefferis. Omnia hæc & liberalissime Deus tibi retrahet, & unicum sensum, quo divinitatem tuam cognoscam, mihi relinque, & amabo te. Ad amandum enim te non tua sed tu unus impellis; decor tuus, bonitas tua & infinitæ perfectiones tuæ cogunt me, amare te; tu unus es primum & ultimum motivum amoris mei, Deus meus summum & infinitum Bonum meum.

7. Gaudeo, mihique complaceo de tuis infinitis perfectionibus; gratulator tibi, quod sis, qui es, summum nempe & infinitum Bonum; exulto totus, quod sis Deus, quem nullus locus capere, nullum tempus concludere, & nullus intellectus comprehendere valet. Gratulor tibi tantum super nos & super omnia imperium, dominationem & potestatem, qui es Deus, laudabilis & glorirosus & superexaltatus in secula.

8. O Deus meus infinitum Bonum meum amo te, & semper statuo amare te; amor tui tecum & manè surget, & vesperi decumbet; ille mihi oculos & ad vigilias aperiet, & ad quietem clauder: omnem laborem amore condiam, omnia agam, omnia patiar amore tui & propter te.

126 Diff. III. De Contemplatione.

9. Amo te Deus, sed heu frigide
nimis! tu limpidissima flamma sacris ig-
nibus vehementius me accende, ut ar-
dentius te diligam. Alta siderum regia,
quam places mihi, quod æternorum
ignium es domus! o lucidae cœli fa-
ces, quam delectant me ardores vestri!
ah finite, ut aliquæ scintillæ à radiis
vestris ad cor meum resiliant! o fulgi-
dissima cœli lampas, & siderum Do-
minus, ardens Titan, deriva ad me au-
ratam & flammatam lucem tuam, in-
unda me lumine tuo, & glaciale pec-
toris mei frigus dissolve, meque totum
divinæ charitatis flammis obrue & in-
volve, &c.

10. Cognosco te Deus, quod sis
summum & infinitum Bonum; & ideo
amo te. Fac, ut cognoscam te illustrius
o forma omnium formosissima, ut &
amem te ardentius: fac, ut cognoscam
te clarissime, o lux omnium lucidissi-
ma, ut & amem te vehementissime:
cognoscam te quantum potest capere in-
tellectus meus, ut & amem te, quan-
tum potest amplecti voluntas mea.

11. Nihil magni præstat, qui te
solum in prosperis amat; summa laus
est amoris, si inter malorum ventos &
turbines conspicuam flammam retineat.
Unde amo te & amabo, licet duris me
rebus

rebus exerceas; amo te, licet odia mortaliū in me conjurent; licet furor amens, & livor impotens in me s̄eariant; licet adversa fortuna omnes vires suas in me exerat. Gaudet rebus inquis amor meus, & gloriae suae fastigium æstimat, pro te DEUS in malis vivere & mori.

12. O Deus ego amo te, & utiam omnes amarent te. Cupio enim, ut ab omnibus agnoscaris, & adores; desidero, ut honor tuus ubique crescat, augeatur, & in fastigium consurgat. Quodsi ad ejus augmentum facit, ut ego destruar, aut in nihilum abeam; en pereo & in antiquum chaos & nihilum promptus relabor.

13. O Deus te unum & solum super omnia diligo. Tu scis, quod amem te super argentum & aurum, supra delicias & voluptates, supra pulchritudinem hominum & Angelorum, supra regna & imperia, supra dignitates & titulos, supra gloriam & famam, supra scientiam & eruditionem, supra cœlum & terram, verbè supra omnia amo te, & millies supra omnia te amo, ô amabilissime ac optime Deus.

14. Quis dabit capiti meo aquas, & oculis meis fontem lachrymarum, ut defleam, & lachrymarum imbre eluam

128 Diff. III. De contemplatione.

peccata mea ? ite gemitus, ite suspiria,
resonate plānctus , quia Deum meum,
summum Bonum meūm dereliqui , of-
fendi , contempsi ! sed revertor ad te ,
& infinitum bonum meum , & non
modò affectu pari , atque in peccan-
do sum usus , sed millies & millies
ampliori, idque non solum tot vici-
bus , quæ numerum flagitorum meo-
rum adæquent , sed itidem millies &
millies accumulatis te diligo. Novi
amoris flamma non aliter absorbeat
pristinum vitæ dedecus , quām ex Æth-
næ visceribus effusus torrens , minimam
roris stillam absumit. Amo te igitur
affectu longè ferventiori, quām me à te
alienavi , amo te , amo te.

15. Peccavi miser ! pœnitet me
peccâsse & summopere doleo , non amo-
re præmii justis promissi , quo sum in-
dignus , nec timore pœnae sceleratis
infligendæ , qua sum dignissimus : cur
ergo ? ideo , quia te Deum meum sum-
mum bonum offendì. Sicut tu solus
& unus es motivum diligendi , ita so-
lus & unus es motivum dolendi. Plo-
ra ergo anima in nocte peccatorum tuo-
rum , & in lachrymis natent maxillæ
tuæ , quia dereliquisti factorem tuum ,
& fornicata es cum amatoribus multis ,
&c.

16. A-

16. Amo te Deus, & ideo diuinæ voluntati tuæ me meaque omnia consigno. Vis me Benedictum in solitudine, vis me Antonium, ut inter leones & tigrides domicilium colloram? En pareo, & celer ad solitudinem & spelæa avolo. Vis me Jobum, in quem omnis afflictio velut ad scopum collimet? en sinum & totum corpus ad iectus præbeo, obrue me ferreis malorum sagittis. Vis me Paulum, qui gentibus tui nominis gloriam enumaret? en curro. Vis me Laurentium, qui in sartagine tanquam piscis torreatur? en vestem depono: quidquid jubes, cereus occurro, fac mecum sicut sis & vis, nam scio, quid amator sis.

17. O Deus summum & infinitum bonum meum, omnia alia deferō, ut te obtineam, ut te fruar; te solo, quamvis rerum aliarum inanis, sum dives satis. Omnia abjicio, ut te amplectar: omnibus morior, ut tibi vivam: nihil amo, ut te solum amem; tu enim unus mihi omnia.

18. Veritas dixit: Nemo bonus nisi Deus. Idipsum ratio convincit. Bonitas enim perfectionem comitatur, & quæ bona sunt, perfecta sunt, illa autem perfecta aestimantur, quibus nihil deest. Cum autem hominibus & An-

130 Diff. .III De Contemplatione.

gelis (ut de aliis fileam) plurima de-sint , imò punctum sit id , quod non habent , conficitur , illos nec perfectos nec bonos esse . Tu ergo & infinite omni ex parte Deus , tu solus perfectus , tu so-lus bonus es ; & ideo te solum ado-ro , te solum amplector , te solum uni-cè & super omnia diligo .

15. Actibus istis exercendis om-nis locus opportunus , omne tempus est accommodum . Ut ames , inquit Didacus Nyss. serm. 2. in Dom. 17. Non juberis maria nondum tentata trai-cere , & tempestato furente in mediis fluc-tibus sus déque jaectari , non itinera ingre-di feris infesta & latronibus , satis est , si annuat animus . Sacræ litteræ apposite : Mandatum hoc , quod ego præcipio tibi bodie , non supra te est , neque procul po-situm ; nec in cœlo situm , ut possis dicere : quis nostrum valet ad cœlum ascendere , ut deferat illud ad nos , & audiamus atque opere compleamus ? neque trans mare po-situm , ut causeris & dicas : quis ex no-bis poterit transfretare mare , & illud ad nos usque deferre ? &c. sed juxta te est sermo valde in ore tuo & in corde tuo , ut facias illum . Ubi cunque es , ibi ama-re potes , nullus status , nulla conditio , nulla affl̄ctio , nulla felicitas impedit , quin amare queas . Amor , inquit Idio-

ta de div. amore c. I. Facilis est, omnibus se exhibet, nulli se negat, capit eum juvenis & senex, vir & mulier, sanus & infirmus, dives & pauper, summus & insimus, liber & servus, secularis & Religiosus, debilis & fortis, nec est, qui se valeat excusare. Cœlestis insuper gratia continuò pulsat, nosque torpentes ad diligendū excitat: nullam consequenter excusationem afferre possumus, quod minus Deo assiduum Charitatis divinæ sacrificium immolemus.

20. Quare mi Deus, sumimum & infinitum bonum meum, non equidem possum duris jejuniis me macerare, flagellis cädere, aut nudæ humo dormitus membra insternere; possum tamen amare te, & nimium quantum amo te. Non possum verbō tuō fideles pascere, & amplissimam concionem ab ore meo suspendere; nec possum vigiles noctes in oratione perducere, aut divinæ naturæ tuæ vel operum tuorum contemplationi perpetuò inhærere; possum tamen amare te, & nimium quantum amo te. Non possum nomen tuum portare coram gentibus & regibus, aut inter idola ferum naionum trophæum amoris erigere, nec possum pro augenda tua gloria strictis gladiis occurriere, aut telis

& hastis pectus offerre , aut vitam inter ardentes rogos profundere ; possum tamen te amare , & nimirum quantum amo te , & semper amplius & amplius conabor amare te .

ARTICULUS IX.

Affectus mystici longiores.

1. PRimum affectum ex lib. 10. Confess. S. Aug. sumere placet , ubi cap. 6. Deum sic ardenti corde alloquitur. Non dubia sed certa conscientia , Domine , amo te. Percussisti cor meum verbo tuo , & amavi te. Sed & celum & terra & omnia , quae in eis sunt , ecce undique mihi dicunt , ut te amem : nec cessant dicere omnibus , ut sint inexcusabiles &c. Quid autem amo , cum te amo ? non speciem corporis , nec decus temporis ; nec candorom lucis , ecce ipsis amicum oculis ; non dulces melodias suavium cantilenarum omnimodarum ; non florum & unguentorum & aromatum suaveolentiam , non manna & melli , non membra acceptabilia carnis amplexibus. Non haec amo , cum amo Deum meum ; & tamen amo quandam lucem & quandam vocem , & quandam amorem , & quem tam cibum & quandam ampliorem ; cum vero D. uram-

am, lucem, vocem, odorem, cibum, amplexum interioris hominis mei, ubi fulget animæ meæ, quod non capit locus, & ubi sonat, quod non rapit tempus, & ubi olet, quod non spargit fatus, & ubi sapit, quod non minuit edacitas, & ubi haret, quod non divellit satietas. Hoc est quod amo, cum Deum meum amo, &c. &c.

2. O Deus ego amo te, & ideo amore, quia omni amore dignus es, quia Deus es. Nec iam amo te, quia te diligentibus æterna promittis præmia, & te non diligentibus æterna minaris supplicia, sed ideo, quia summum & infinitum bonum es. Nam et si cum vita animus occumberet, in vetus nihilum decideret, tamen amarem te; et si hic malis temporalibus me conficeres, & ibi malis ac poenis æternis me subjiceres, tamen amarem te. Non enim amo te, quia mihi bonus es, sed quia in te bonus es. Non amo pulchritudinem tuam, quia mirè pascit oculos meos. nec amo sapientiam tuam, quia mentem illustrat; nec amo æternitatem tuam, quia æternas delicias mihi præparat; nec amo supremam majestatem tuam, quia me in Regiam tuam Familiam adscribere promittit; nec amo potentiam tuam, quia tam splendidum & illustre cœ'i palatium habita-

tioni meæ ædificavit; nec amo clemenciam & liberalitatem tuam, quia ingentibus me præmiis cumulabit; nec amo divinitatem tuam, quia se videntem & diligendam in omne ævum tradit &c. Proinde amo te, & omnes perfectiones tuas, quia tibi bonæ sunt, non quia ex ipsis plurima bona mihi promanant. Tu solus & unus es amplissimum & unicum amoris mei argumentum.

3. O Deus, ego amo te super omnia, ô summum bonum. In te enim uno rerum omnium nobilitas, decor, gratia, splendor & eminentia accumulatur. In te, mi Deus, celorum puritas, stellarum nitor, solis fulgor, imbrum fœcunditas, horrorum gratia, florum pulchritudo, silvarum amœnitatis, camporum ubertas, picturarum elegantia, musicæ suavitas, gemmarum virtus, palatiorum splendor, Urbium majestas, templorum magnificencia, munitionum robur, exercituum potentia, conviviorum oblectatio, ludorum voluptas, amicitiarum jucunditas, fontium claritas, riparum viror, auri pretium, purpuræ decus, verbô, meritum, dignitas, amabilitas & bonitas rerum omnium. Quæcumque in cæteris sparsa sunt, collecta tenes,

nes, & ita tenes, non quô modô in illis effulgent, sed præstantiâ infinitis gradibus altiori; adeò, ut perfectiones tuas attollere per comparationem cum perfectionibus creatis, si res ipsa non animus & affectus perpendatur, si ironia vel irrisio, non laudatio dicenda. Nam ô Deus meus, si de Samsonne quodam enuntiarem, quôd formicam robore exsuperet, aut Davidem commendarem, quôd leporem magnitudine animi excedat, an non præcellentissimos Heroës calumniis impetrare aestimarer? at verò, tu Deus amplius longè supra creatureas earumque perfectiones attolleris, quàm supra formicam Samsonis robur, & supra leporem Davidis fortitudo emineat. Quem igitur amorem tibi ô Deus meus in corde meo accendam, qui universa rerum amabilium decora non duntaxat unus contines, sed infinito excedis intervallo? O amo te super omnia, rursus super omnia te amo. Quidquid amoris & affectûs omnes mortales in creaturis diligendis ponunt, illud omne in cor meum colligere, & sic amplius & amplius amare te cupio, Deus meus & omnia.

4. Eheu totus glacie rigesco, nec frigidum pectus amoris divini flammis
exar-

exاردescit, infinita est bonitas tua: ergo & infinitus deberet ardere amor meus. At ego gelidam amoris favillam sub cinere mortalitatis meae nutrio. Moveret me omni oratione efficacius bonitas & pulchritudo tua: nam tu Deus origo es omnis pulchritudinis creatæ & fons pulchritudinis æternæ: tu oceanus es immensus bonitatis, cuius aquæ sine principio, cuius latitudo sine litore, cuius fundus sine fundo. Ah deficitio, solvor & undique me ferientibus tuae bonitatis splendoribus præ amore liqueesco; maximè cum æqualiter bonus sis & humanus: tu enim abyssus magnitudinis à me infimo & minimo terræ vermiculo, & maximo peccatore vis amari & lætaris amore meo, cupidè excipis & complectaris amantem te, & mutuò amas me; & ego non amem te optime juxta ac humanissime Deus? Si furiæ me lactassent, si serpentibus pastus forem, si ferro mihi præcordia vineta essent, fieri non posset, ut non amarem te. Sileo jam beneficia tua tam multa, ut numerus me fugiat, tam magna, estimationem superent; hoc unum modò emollit adamantineum cor meum, quod cum tanta bonitate æqualiter humanitatem conjungis, & gratum habes amorem meum. Amodo in tua pulchritudi-

christidine, forma, candore, & bonitate defixus hæreo ac demersus nato, tantumque me abripit supereminens, inæstimabilis, & undique infinita amabilitas tua, ut omni alio sensu, præterquam amoris, perduto, attonitus hac infinitudine tua, nihil aliud possim dicere, quam amo, amo, amo, quod & repeterem millies milliesque iterare cogor, &c. Et cum tantum te amem, tamen frigidè nimis te amo, quia bonditas tua infinitè superexcedit amorem meum. Quare ô limpidissima flamma Deus meus, amplius amplius succende me amore tuo. Utinam corpus meum lampas foret & sanguis oleum, & anima lychnus, qui igne amoris uiri accensus ad thronum Divinitatis tuæ æternum arderet! utinam anima mea foret alta rethymiamatis, & cor thymiamata, quod amore tuo inflammatum ardoris fumi virgulam attollat, & jugem suavissimi odoris venam in conspectu tuo evaporet! Ardeam Domine hodie, ardeam cras, nullumque feriatum diem amor meus habeat; & velut in quibusdam officinis nullo hebdomadæ die extinguitur ignis; sic & in corde meo ignis amoris tui sine ul a se a continuo tenore ardeat. Nam licet sic amore tuo arderem, adhuc frigidus esset amor meus.

meus. Vos ergo cœli incolæ vestris ar-
doribus meos languores pensate. En-
Deus meus, totius cœli stipatus amori-
bus procumbo: quidquid immortalium
flammarum in superna civitate tua col-
lucet, illud omne tibi repræsento,
tuisque ardere honoribus nimium quan-
tum exulto; utinam æquali cum beatis
igne erga te exardescerem! infirmæ cha-
ritatis meæ malignæ lucentes ignicu-
los cum amplissimis cœlestis curiæ fa-
cibus jungo, & tepentes cordis mei
scintillas cum Seraphicis beatarum men-
tium incendiis permisceo, & amo te
Deus, si non ut debedo, saltem ut va-
leo. Verum nec hic amor adæquat bo-
nitatem tuam, & longissimè minor est,
quam ut Divinitatem exhaustat: finiti
enim amoris ad infinitam amabilitatem
non est proportio. Quare cum nulla
creatura condigne te amet, exiguae amo-
ris mei scintillas cum amore tuo infini-
to, quo tu te ipsum amas, conjungo,
& intimo affectu gaudeo, quod tu om-
nem amoris nostri defectum suppleas;
teque infinitum bonum amore infinito,
& bonitatem tuam adæquante diligas.

5. Amo te Deus, & fortiter amo
te, qui fortiter amasti me. Nolo ro-
fas, cum spinas tuas cerno; in tuo san-
guine flagella, clavi & lancea rubuère,

&cgo

& ego non erubescam vitam vivere si-
ne sanguine delicatam? Tu amor meus,
cruci affixus inter acerbissima tormenta
pependisti, & vitam per vulnera effu-
disti; ego quoque vulnera sitio, non
placet mors pallida in plumis excipien-
da, opto, cruenta veniat, armata fer-
ro & facibus, omnique in me tormen-
torum genus expertura. Aut si hoc non
placet, quotidianis saltem vulneribus me
confice; feri quæ lubet, volentem per-
cutis, non subtraho me ictibus. Amo
te & amabo te vel in medio æstu omnia
urentis fortunæ: conjiciar cum pueris
Ananiâ, Azaria & Michaële in cami-
num ardente ærumnarum & mecum
una descendet divinus amor, & ambu-
labo in mediis calamitatum flammis,
lætusque cantabo: *Benedictus es Domine*
Deus Patrum nostrorum, & laudabilis & glo-
riosus & superexaltatus in sacula, benedic-
tum nomen gloria tua sanctum & laudabi-
le & superexaltatum in omnibus faculis.
Sive cadant spes meæ, amo te, sive ten-
tationes oppugnant me, amo te; sive
tristitia me obruat, sive conscientia au-
gat, sive paupertas premat, sive injuriis
exerceat, sive contemptui exponat, si-
ve calumniis objiciat, amo te. Ærum-
næ amoris mei flamas non proster-
nent, sed amor meus ærumnis tanquam
flati-

flatibus excitatus amplius exardescet.
 Nutritur & crescit rebus adversis amor.
 Excipient me igitur casus improsperi,
 occupent ægritudines, exhaustat fames,
 quæcunque sœva & acerba in caput meum
 assiliant: aquæ multæ aduersorum
 fluctuum non extinguent, nec flumina
 inundantium malorum (te dante & ad-
 juvante) obruent charitatem meam;
 amo enim te Deus summum bonum meum,
 & fortiter amo te, & amabo te.

6. Amo te Deus, & gratias amo te.
 Amabilis es mi Deus ob gratias, quas
 mihi exhibes, sed amabilior ob gratias,
 quas infinitas apud te concludis. Cha-
 rita mihi sunt munera tua, sed charior est
 mihi bonitas tua; quin si retraheres om-
 nia bona tua, & me subjiceres omnibus
 malis, amarem te; quia amor meus er-
 ga te flamam concipit, non ob id, quod
 ego sum ex tuo beneficio, sed ob id,
 quod tu es ex natura tua. Non merce-
 dem poscit, nec æra & stipendia no-
 ster meretur amor, sed gratuitam mili-
 tiam exercet. Quamvis tua in me flue-
 re cessarent beneficia, non tamen ex-
 inde amor meus aresceret, quia bonitas
 & nobilitas & perfectio & excellencia
 tua sunt fontes & origines amoris mei.
 Non enim amo te propter me, sed pro-
 pter te: perfectissima, absolutissima & in-
 finita

finita bonitas tua , pulchrisque omnibus pulchrior pulchritudo tua unicum est & solum flabellum & irritamentum amoris mei. Amo te , quia perfectus es , quia pulcher es , quia bonus es. Forma & candor , & pulchritudo tua formosum illud ac nitidum amoris vulnus impresserunt cordi meo : bonitas & venustas tua nusquam læsa lædit me , quia nusquam vulnus habet , vulnerat me , quia nusquam languet , facit languorem , & quia nunquam emoritur , compellit me usque ad mortem amare te , & in amore mori propter te.

7. Licet clarè te videant & ardenter diligent beati Angeli & homines , id totum exile & quasi nihil est in comparatione magnitudinis tuæ. Ut cunque intellectus & voluntas dilatent sinus suos avido haustu divinitatem potaturæ , id totum non est aliud , quam piffitare , & minùs , quam culex ex vastissimo oceano stillam aquæ hauriat. Age prouin , age cor meum , inebria te , quantum potes , dulci pelago puleritudinis divinæ , nec metue , ut tibi aliquando copia desit. Acue & robora telum amoris tui , quo aurea gemmæque divinitatis fodina aperitur ; in longum tibi effosio ducenda erit , nec unquam non reperies novos thesauros , quos effodias.

dias. Ah imensum Numen, Deus meus, si non ego unus, sed omnes naturæ à te creatæ: immo si res omnes, quas omnipotentia tua creare ac producere potest, nulli alii negotio per totam æternitatem incumberent, quam ut intelligentiæ sarculo eruerent thesauros divinitatis ac pulchritudinis tuæ, unamque post aliam dotem erutam amarent, & nunquam ad priorem cognitione & amore recurrerent: nihilominus amorem magnus foret exiguis, quasi in te amando nihil eousque factum fuisset. Quidquid enim perfectionum & amabilitatum tuarum te amantes creature intellectu suo & amore attigissent, super id omne adhuc infinita alia decora & lumina remanerent, quæ nulla cognitio, nullus affectus libasset; nam tu Deus abyssus es gratiarum, quæ fundo caret, oceanus es pulchritudinis, qui nullas ripas habet. Frustra sumus & ego & res creatæ omnes, atque nequicquam nitimur, si amando te, cogitamus æquum pretium persolvere bonitati tuæ. Sicut nullus intellectus est nec esse potest, qui te cognoscat, quantum cognosci dignus es; sic nulla voluntas est, nec esse potest, quæ te amerit, quantum amari mereris, ô infinitum bonum, ô abyssus perfectionum, ô pelagus

lagus omnis felicitatis , ô omnem co-
gitationem & amorem tanquam stillam
roris absorbens divinitas. Omnis amor
est inferior meritis tuis, nulla creata-
rum rerum seu copia seu excellentia æ-
quale pulchritudini tuæ homagium pen-
dere valet. Despero igitur, despero,
non valeo sufficienter amare te, in qua
ipsa tamen desperatione amo te , & quia
non possum amare te condigne , amo te
saltem, quantum possum vehementissi-
mè. Non placet amor mediocris, ad
sumum enitor, cùm & sumus amor sit
tua bonitate longissimè inferior ; to-
tus ergo in amorem ruo , omnes vires
exero & amo te quantum possum , cùm
non possim amare te , quantum debedo.
Cogis, non persuades amorem (quod
amantium affectu dico non errore li-
bertatem evertentium) cogit me ad
amandum te supersubstantia tua , su-
persapientia tua ; cogit superbonitas tua,
superperfectio tua , cogit superclemen-
tia , superliberalitas , superpulchritu-
do , superaltitudo tua , quæ omnem
conceptrum superant , omnem intellec-
tum excedunt. Glorifico te quantumcum-
que possum , tu verò supervales adhuc , &
admirabilis magnificentia tua : benedico te,
exalto te quantum possum , major enim es
omni laude , exaltans te repleor virtute , nec
comprehendo.

8. Gratulor tibi Deus meus, quod
sis, qui es. Tu Deus non habes esse
limitatum, nec es tantum hæc vel illa
res, sicut Angelus est tantum Angelus,
& homo est tantum homo; sed totum
esse in te complecteris, & ab æterno
anticipas. Tota enim plenitudo essen-
di, totaque entis latitudo & amplitu-
do in te plenissimè continetur. Tuum
esse, Deus, est æternum; tua enim vi-
ta totam implet, adæquat, ambit,
& complectitur æternitatem. Tuum
esse est immurabile, quia omnia tua si-
mul habes, & firmiter possides, ut ni-
hil possis amittere, cum omnia habeas
per tuam immutabilem essentiam, cui
nulla potest fieri accessio, nulla dece-
sio. O magne, o infinite, o omnipo-
tens, o sapientissime, o pulcherrime,
o sanctissime, o immense Deus, in quem
nam ab ripior Majestatis & bonitatis oce-
anum omni littore carentem, dum tuam
contemplor essentiam? natura enim
tua abyssus est gratiarum, quæ fundo-
caret; mare est perfectionum, quod
nulla habet litora: campus est excel-
lentiarum, qui nullas habet oras. O
quanta est sapientiae & scientiae tuæ al-
titudo, quâ rerum infinitarum intelli-
gentiam comprehensam habes, qua præ-
sencia cognoscis. futura pervides, &
omnia

Contemplatio
ibi Deus mens
Deus non habet
cannum habet
est tantum deus
in honore; sed
in honore, & ab e
cum plenius ele
laminando & ampli
commissus. Tum
nunquam; non est vi
adversus, ambi,
emittit. Tum
e, quia omnia nul
miser proles, ani
cum omni idea
eum elegerat, co
efficio, nulla des
induire, & omis
ne, & pulchritudo
Deus, in qua
eum & bonitatem occ
erent, dum nam
a? nam, enim
utrumque, que fund
fectionum, quod
campus est expl
llarum haberet. O
e & scientie ne
infinitam inell
tam habet, qui pre
arua perviles, &
qua

omnia in clarissima luce intueris. Nihil te fugit: nihil tibi non apertum est: apud te consilium, apud te ratio, apud te cogitationes pulcherrimae & infinitae, & rerum omnium scientiae, & artificiorum inventa, & causarum & naturarum & innumerabilium mundorum cognitiones habitant. O quanta est potestas tua, qua electis, regis, moderaris cuncta, sicut fert arbitrium tuum: omnia à tua manu suspensa pendent, tu nostrum fatum, tu nostra fortuna es, tu absolutæ dominationis Deus es: tu quidquid intelligis, facere potes: tibi promptius est res efficere, quam nobis intelligere & fingere. Nam non opus est molitione, sed ad unum imperii tui nutum ex nihilo mundi advolant, & ante te provoluti suum Creatorem adorant. O quanta est beatitudo tua, quæ omnibus gaudiis tam exaggerata est, ut nihil addi, tam stabilis, ut nihil demi possit; tam tibi propria & innata, ut tuum vivere sit beatè vivere! O quanta est sanctitas tua, quæ te ab omni etiam levissimi vitii pulvisculo imunem præstat, & virtutum inexplicabili apparatus condecorat! quanta est magnitudo tua, quæ modum non capit! quanta libertas, quæ nullius imperio ligatur! quanta immensitas, quæ omne spatium

146 Diff. III. De Contemplatione.

excedit, quanta immortalitas, quæ nullo ævo carpitur! quantæ omnes perfectiones & attributa tua, quæ omnem intellectum superant; ô magne, ô infinite Deus! hæreo, stupeo, obrigesco, mens, sensus, & cogitatus deficit, dum in te sumo & infinito Bono contemplatione defigor. Gratulor ergo, iterumque gratulor tuum esse, tuam sapientiam, tuam majestatem, tuam aeternitatem, tuam potestatem, tuas infinitas, quas nulla lingua capere, nec ulla mens numerare valet, perfectiones, ô Deus meus, unum & sumum Bonum meum!

ARTICULUS X.

Documenta hoc pertinentia.

I. **D**ocumentum primum signum vocationis ad contemplationem & orationem affectionis habetur à peritis Theologiae asceticæ & mysticæ, si per medium v. g. horam quis valeat in actibus fidei & charitatis, tum elicitiis tum imperatis hic articulo tum sexto ad orationem declaratis, perdurare. Nec infectionis, geras, quod contemplatio nequeat iuxta Mysti-

De Contemplatione
mortalium quod
per quanta omnia
ad tua, que sunt
etiam; o magis; o
hunc, hunc, obtem-
per, & cognoscere deum,
etiam de initio Boni un-
deus. Gaudet ego
quoniam non est, non
namque, non
nam possum, non
nam nulla lingua oper-
nam numerare vel, per-
nam meus, undicim
un.

ICULUS X

enam peritentia,
enam primum agnum vo-
ni ad contemplationem
affectionis habent a po-
gione, alacritate & myste-
rii v. g. hominem qui vela-
ti & charitatis, mundi-
tatis hic articulo reflexo-
no sicut etiam etiam &
etiam perdurare. Nec
contemplatio negatur
v. d.

Mysticos tamdiu ordinariè durare. Nam respondeo, quòd possit per medium horam, & plures horas continuari; adhuc enim contemplatio nominatur, licet per intervalla brevissimis meditationibus interrumpatur. Per se tamen & ex instituto meditatio & discursus sub contemplatione non instituitur.

2. Sed ais: contingit, affectum sub contemplatione frigescere, quid ergo tunc factò opus? Respondeo, tunc non opus esse, ut ad meditationem laboriosè transeat: sed simplici actu fidei & spei melius, spiritualius & efficacius potest affectus rursum accendi. Licet autem hoc casu ferè comitetur vel subsequatur meditatio aliqua, per hanc tamen non dicimus ab oratione affectus decidere.

3. Documentum 2. Licet nobis 2. Conarduum sit & grave tamdiu in affectio-stantia. ne permanere; tamen non debet statim derelinqui contemplatio, & iterum meditatio apprehendi. Ratio est: quia omne initium grave. Usu enim contemplationis fides exercetur, spes corroboratur, & charitas inflamatur; & sic postea facile erit, quod ab initio difficile aut omnino impossibile visum est. Hoc tamen in sensu lano debet intelligi. Nam omnes Ascetæ docent, quòd

148 Diff. III. De Contemplatione.

etiam contemplator debeat aliquando ad meditationem descendere , non tamen communiter & ordinariè !

3. Affec-
tio una.

4. Documentum 3. In contemplatione non multæ eliciuntur affectiones , sed una ferè vel altera continuatur per horam orationis. Hinc aliquando tempus integrum solis verbis, Deus, Deus, Deus, vel amo, amo, amo, vel ô ineffabile Bonum, vel qui non amat Dominum nostrum JESUM Christum, anathema sit , transigitur. Si quis amat, inquit aureus libellus lib. 3. cap. 5. novit , quid hæc vox clamat. Magnus clamor in auribus Dei est ipse ardens affectus animæ , quæ dicit: DEUS meus AMOR meus ! Et talis continuatio non fit cum aliqua corporis fatigatione & impulsione , velut contingit apud imperfectos & incipientes , sed cum leni & quieta motione. Unde monet venerabilis Blofius in asceticis institutionibus cap. 12. Theologiae mysticæ studiosum , ut violentum impulsum ac nisum prudenter vitet , ne prægravet naturam , & se nimium debilitet. Ebullire, effervescente debet amor , & anima amans præ nimia ejus vehementia languere , vulnerari , deliquium pati , ac fere emori ; hæc tamen omnia debent maximè fieri in apice mentis & voluntate , non autem in sensu & passione.

5. Do-

5. Documentum 4. In contemplatione non debemus esse nimium agentes, sed velut otiosi & nihil agentes. Quod assertum non sic intelligendum est, quasi verò in superiori homine & viribus spiritualibus debeamus nihil agere & ab actione desinere; hoc enim dogma est erroneum, à Quietistis confitum. Debemus itaque modum ponere actibus inferioris hominis & sensuum operationibus, nec permettere, ut nimium agant, vigeant, & suo vi-gore contemplationem potius impediant quam promoveant. In suprema regione hominis stat contemplatio non media vel infima: ergo curandum est, ut illa luceat & ferreat, quidquid sit de media & infima.

6. Documentum 5. Quia verò in supra-ma regione hominis duo sunt actas, tuis, nempe cognitio & dilectio, posterior ratio etiam habenda est istius quam illius. Ratio est: quia in hac per se meritum, dignitas & præmium consistit. Nam fides seu contemplatio est propter charitatem & amorem; si ergo hic ardet, res salva est, & ut hic semper ardeat, fide simplici & viva procurandum est.

7. Documentum 6. Notandi sunt 6. Defec-
& emendandi pro modo gratiae, quam tu sex par-

150 Diff. III. De Contemplatione.

Deus confert, defectus, qui ex parte mentis eveniunt sub contemplatione. Quales sunt v. g. primus, languida & torpida fides de divina præsentia; item non viva fide apprehendere Deum ut Bonum inæstimabile, supernaturale & incomprehensibile; item non fixo ob tutu Deum unum aspicere, sed cogitatione dissipari. Contemplator autem optimè superabit distinctiones & spiritum colliget, si redeat ad Deum præsentem, à quo per evagationem recessit.

8. Alter defectus est, si velit quis esse certus de unione cum Deo, de actu charitatis &c. sperare debemus, scire non possumus, an simus in gratia, vel actus charitatis supernaturales eliciamus. Crede, spera, ama, & omnem depone anxietatem. Deo misericordissimo facis injuriam, si dubitas de gratia, charitate, aut vera contemplatione. Fac quod in te est, & Deus non deerit. Falluntur, qui putant se non verè contemplari vel amare Deum, nisi hos actus quasi sentiant. Altissimi sunt & ab omni sensu & materia remotissimi; & hinc male agunt, qui eos volunt quasi manibus palpare ac evidenter cognoscere. Reflectere se post contemplationem super habitam con tem-

temptationem bonum est, laudabile & aliquando necessarium, ut nempe sic defectus ac errores deprehendantur. At vero sub ipsa contemplatione se continuo reflectere, non laudandum est sed vituperandum. Contemplari enim est Deum cognoscere & diligere; & hinc tota mens ad ipsum cognoscendum vertenda est. Objectum contemplationis non est ipsa contemplatio sed Deus. Sub examine instituitur examen de contemplatione, non sub ipsa contemplatione.

9. Tertius defectus est, si quis alibi Deum querat, quam in se. Si quis velit Deum vel imaginari vel suo intellectu quasi comprehendere, nec contentus sit cognitione & lumine, quod habet de Deo. Item si quis timeat, ne, si oculos aperiat, excreat, vel alterius sensus operationem exerceat, statim contemplationem desperat. Non amittitur Deus in vita agente, si actio ex amore Dei procedat. Ubique Deus est, intra & extra, & ubique poteris invenire, modò rectè queras.

10. Quartus defectus est, putare & sibi imaginari, quod detur aliquis actus perfectior quam actus fidei illuminatae per donum sapientiae & actus charitatis. Ille pro statu viæ est perfectissimus.

• 152 Diff. III. De Contemplatione.

scimus actus mentis, iste voluntatis. Quod
verò hos eliciat contemplator, debet piè
sperare, licet aliud sensus dicter, & dia-
bolus ingerat. Speramus de genuina
contemplatione, non verò scimus es-
se genuinam.

Et volun-
tatis.

11. Documentum 7. Defectus quo-
que, qui ex parte voluntatis accidentur,
adverti ac corrigi debent. Quales sunt
v. g. primus, si amor voluntatis sit ni-
mis languidus. Secundus est, si qui-
dem fervidus sit, sed fervore sensibili
potius quam spirituali. Tertius si vo-
luntas nimium se effundat in appetitum
& sensus, eosque vehementer concitet
ad amorem, velut in hac vehementia
amor verè mysticus, qui tamen est spi-
ritualissimus, poneretur. Quartus est,
si contemplator inquietus sit, & cogni-
tione ac amore, qui ipsi cœlitus datur,
non contentus sit, sed continuo eundem
intendere ac perficere incassum & con-
tra voluntatem divinam præsentemque
gratiā conetur. Perfectus contem-
plator non vult perfectius contem-
plari, quam velit Deus, quem in se ope-
rantem laudat, magnificat & exultat,
dicens cum Regina Theologiæ mysti-
cæ & omnium Mysticorum & Mysti-
carum Principe & Patrona: *Magnificat*
anima mea Dominum, & exultavit spiritus
meus

meus in Deo salutari meo. Luc. I. v.
 46. Contemplator enim perinde laetatur in contemplatione dura & insipida quam deliciosa & sapida: quia motum laetitiae semper manet, quod unum & solum est Deo voluntas. Et sic patet, quod in omni contemplatione etiam insipida aliquod interveniat gaudium vel potius acquiescentia in Dei voluntate & ordinatione. Quod quidem gaudium non est sensibile, reflexum, humatum & ad satisfactionem amoris proprii, sed spirituale, directum, divinum & unicè propter Deum.

12. Septem hæc documenta ut oco-
 to sunt notanda, & iterum iterumque
 legenda & in usum perducenda. Sine
 horum enim notitia & usu nequit so-
 lidus in contemplatione progressus fieri;
 his autem benè observatis speratur me-
 titò grandis profectus.

13. Quadrant hæc documenta (si
 tertium excipias) eriam orationi voca-
 li, eique debent à contemplatore ac-
 comodari. Verus enim Theologus
 mysticus etiam, dum vocaliter orat,
 verè contemplatur. Pronuntiatio enim
 non impedit contemplationem, sed
 ex hac in vero contemplatore oritur ac
 proficiscitur.

ARTICULUS XI.

Singularis instructio de Contemplatione insipida.

*Contem-
platio sit
insipida. I.
ob defec-
tum gau-
dii sensi-
bilis ,*

*2. Spir-
ituialis,*

1. **C**ontemplatio insipida suos habet gradus. Nam 1. Deus animæ contemplatrici subtrahit præcisè gustum in corpore, in sensibus externis & internis, in appetitu utroque sensibili; taliter nempe, ut sub contemplatione nullam in homine inferiore delectationem persentiscat.

2. Facit Deus, ut mens eliciat fidem & voluntas amorem, sed tamen subtrahit concursum ad tertium actum, nempe ad gaudium, quod de se velut naturaliter ad duos priores actus sequetur. Vel potius dicendum, quod Deus non subtrahat directum de ipso gaudium, sed præcisè illud quasi reflexum, quo gaudeamus, quod Deum amemus & de ipsius bonis gaudeamus.

3. Utroque hoc eventu non debet existimare contemplator, velut Deus gratiam contemplationis subtraheret; sed firmiter persuadere, quod eadem tunc magis & purius & à Fordibus amoris proprii defœcatius, vigeat & vivat. Gustus enim seu oblectatio tum in cor-

pore

pore tum in animo & voluntate solet ferre nostras contemplationes inficere, ut potius in dulcedine contemplationis, quam in Deo quiescamus, gaudeamus, & ultimum finem ponamus. Omnid^e gaudiosa est contemplatio, sed gaudium ejus est purum, purissimum in solo Deo, propter quem, & de quo gaudetur, quod talis ac tantus sit.

4. Ulterius procedit derelictio. 3. Ob sub:
Nam DEUS videtur ex parte mentis tractio-
lumen, & ex parte voluntatis in- nem lumi-
spirationem retrahere, ut nobis vi- nis,
deamur, vel omnino tenues, vel nul-
los actus fidei & charitatis elicere.

5. Quo casu debet scire anima, quod non ipsi actus fidei & amoris seu contemplatio auferantur, sed nudè ac-
tus reflexi, quibus antea noscebat, quod compleatur & actus præmissos eliciat, in hac autem reflexione gustum quen-
dam & gaudium percepit. Deus autem, qui vult animam magis magisque de-
purare ab omni gaudio, quod non est in seipso, etiam hunc gustum tollit.

4. Ob an
6. Quia verò Deus semper intendit gustias in-
magis animam separare à seipsa, & ad hominem
suam unionem aptare; hinc præterea inferiore.
immitit in sensus & appetitum sensibi-
lem, mœrores, tristitias, dejectiones,
pusillanimitates, tentationes, quales in
via purgante nunquam forte passus est.

7. aut etiam superiore.

7. Nec hic subsistit Dei permissio. Anima in ipsa superiore parte, in mente scilicet & voluntate, ejusmodi sentit angustias, quales nunquam experta est. Intellectus enim obruitur quasi tenebris plus quam cimeris, ut sibi videatur prorsus impossibile aliquid salubriter cogitare, non dico, contemplari aut meditari. Contrà voluntas omnes res spirituales naufragat, opera virtutum abhorret, contemplatio & quidquid spiritum & Deum sapit, fastidium, toredium, mœrorem generant &c.

8. Quid anima misera in hoc statu posita agat? quod se vertat? quid consilii capiat? Animo non dejiciatur, sed confidat & certò supponat; quod Deus ejusmodi angustias & tentationes permittat ad suam perfectionem & plenam cum ipso unionem. Nam in hoc statu locus datur puræ virtuti, generosæ, forti, magnanimæ & perfectæ. Siquidem ut dicitur Jac. 1. v. 4. *patientia opus perfectum habet*, utpote ab omni amoris privati nævo alienum. Hic amor divinus est purum aurum sine ullius scoriæ admixtione. Non enim putandum est, ac si hæ angustiæ impedian vel excludant solidam & perfectam contemplationem, sed pure mollem & delicatam, quæ nempe procedit

dit à viribus superioribus sine difficultate & repugnantia ; hic ergo fides , ut ut animæ videatur tenebrosa & caliginosa , est verè lucida & splendida , spes robatur , licet putetur infirma , & charitas similiter est flagrans & fervida , licet appareat tepida & frigida ; quia non subtrahuntur actus virtutum directi , sed tantum reflexi .

9. Quare corrigenda est phantasia , quâ fere laborant homines in experty & imperfecti , qui putant , quod in tenebris , quod in scrupulis , quod in morbis seu corporis seu animæ , non fiat nec fieri queat contemplatio . Prorsus contrarium docent Mystici , qui tenent afflictionibus etiam gravissimis , non retardari sed juvari contemplationem . Quid enim est haec aliud quam fides & amor Dei ? quis autem neget , quin in maxima etiam calamitate Deus & credi & diligi queat ? Christus in horto & cruce gravissime afflatus est : & tamen quis neget , quod tunc actus perfectissimos charitatis elicuerit ?

10. Videtur anima in priori gra- 6. Ob sub-
du & statu jam verticem attigisse dere- tractio-
litionis , & purè contemplationis , nemactus .
nihilominus advertitur subtiliter à
Theologis mysticis altior & cel-
sior gradus . Et quis ille ? si nem-
pe anima taliter derelinquitur , ut non
possit

possit credere & amare agendo sed velut patiendo. Explico me; ne videar alienum à fide aut Theologia docere. Actus fortitudinis potior est & excellenter pati quam aggredi, ut docet S. Thomas 2. 2. quæst. 123. art. 6. Ergo etiam actus amoris sublimior erit, qui magis importat & nominat *per* passionem & *passionem* quam *aggressionem*. At vero in priori gradu anima adhuc dilexit agendo, in hoc autem amat patiendo & submittendo. Prius anima hunc modum tendendi habuit: *O Deus, ecce te-nebris & angustias obruor, & tamen amo te & tuam ordinationem.* Hic autem istum: *O Deus, ecce me miseram in angu-stiis deprehensam, submitto me amore tui flagellis tuis, ordinationi tuae, providen-tiae tuae.* Hic ergo anima se habet instar Martyris, qui non agit sed patitur & submittit se fortiter ac generosè tormentis. Item se habet ovis instar, quæ coram tondente se obmutescit, & se subjicit cultro tondentis. Sic etiam anima contemplatrix in altissimo hoc gradu constituta, Deum amat se submittendo & subjiciendo ejus divinæ bonitati & voluntati, nec audet se movere, vel verbum eloqui contra Dei ordinationem, licet duram, asperam & acerbam.

11. Jam

11. Jam si contemplator hac viâ ducatur, imprimis tanquam certum supponere ac credere debet, quod etiam in contemplatione insipida lucere fides mystica & ardore charitas mystica possint, imo quod tunc priuior & defœcator & illa luceat & ista ardeat. Si hoc nondum credit, aut nondum capit, parum de Theologia mystica novit & cœpit.

12. Secundò debet sperare, quod in tali derelictione sublimem actum fidei & purum amorem eliciat, ut ut reflexè non sentiat nec appareat.

13. Tertiò debet se divinæ voluntati submittere & conformare, & patratum se Deo offerre ad manendum in tali derelictione semper usque ad finem vitæ, dicens cum Salvatore: Non mea sed tua voluntas fiat; Hæc instruc^tio de insipida contemplatione est brevis verbo, sed re gravis & gravissima; & nisi hæc notetur, inchoabit forte orationem affectionis, sed non continuabit, minus perseverabit.